

四庫全書

子部

欽定四庫全書

仁齋直指卷二十五

宋 楊士瀛 撰

明 朱崇正 附遺

諸蟲

附折傷

諸蟲方論

經云人身中有八萬尸虫若無即人身不成不立尸虫  
與人俱生狀如馬尾或如薄筋出則在脾入則五臟之  
俞居之然人亦不必盡有有亦不必盡多也古人論臟

腑九虫多寡有無固未可必亦當備識其名目九虫者  
何一曰伏虫二曰白虫三曰肉虫四曰肺虫五曰胃虫  
六曰弱虫七曰赤虫八曰蟯虫九曰蛭虫俗謂之  
食虫固不待辨而知矣其他皆由臟腑不實脾胃俱虛  
雜食生冷甘肥油膩鹹藏等物節宣不時腐敗停滯所  
以發動虫之為候嘔惡吐涎口出清沫痛有去來乍作  
乍止寸白虫色白形扁揅人精氣力乏腰痛蟯虫細如  
菜虫能為痔瘻瘡癩疥癰癰疽等患寸白蟯蛭是三者

皆九虫數中之一物也外此又有兒童疳蠱昏睡煩燥  
鼻爛汁臭齒齦生瘡下利黑血支集疳論附之其傷寒  
濕蠱證候虫食下部為狐下唇有瘡虫食其臟為惑上  
唇有瘡活人總括言之詳矣

諸虫證治

蕪荑散取諸虫

雞心檳榔

錢三

蕪荑

錢二

木香

錢一

右末為一服當晚先煎酸石榴根湯至五更喫炙肉

一片嚼細引虫上至喉以石榴根湯煖溫調藥服虫  
自軟而下

木香檳榔圓殺下諸虫

雞心檳榔

一兩

木香

鶴虱

貫衆

錫灰

乾漆

燒煙  
盡

史君子肉

各半兩

輕粉

二錢

雷圓

巴豆肉

各二錢半

右細末飛白麪糊圓麻子大每服二十粒五更粥飲

下或昌蒲石榴根煎湯下

錫灰圓取寸白諸虫

錫灰

研細末  
一兩

雞心檳榔

貫衆

各半  
兩

木香

二錢  
半

輕粉

黃丹

為衣各  
二錢

右細末酒醋煮麪糊圓荔枝乾大每一圓米泔浸軟  
日衙先喫飯了至黃昏不飢飽時喫肉舖一片引出  
俟少刻溫酒嚼下天明虫出又專喫韭菜治寸白虫

蝦蟇圓殺虫

大蝦蟇乾

一箇炙令焦

木香

雞心檳榔

桃仁

水浸去皮晒

苦楝根

酸石榴根皮

貫衆

各三錢

蕪荑

鶴虱

各二錢

巴豆肉

二錢半

右末粳米粉糊研圓麻子大每服十圓五更石昌蒲

煎湯下

雄砂圓殺諸虫

鶴虱

蕪荑

乾漆

炒令煙盡

直僵蠶

炒各三錢

貫衆

酸石榴根皮

日乾各半兩

朱砂

雄黃

雷圓

甘遂

各一錢半

右細末粳米粉糊圓麻子大每十圓五更粥飲下

化虫散

雷圓

二箇

雞心檳榔

二箇

鶴虱

一錢

大史君子

七箇去殼

右細末入輕粉少許分作兩服當晚用精猪肉一兩

切成片以皂角漿浸一宿至五更微火炙熟又用此  
麻油拭肉候溫取一服藥末摻於肉上畧烘過空腹  
食之至巳刻虫自下廼飲食

貫衆酒取寸白諸虫五更嚼炙肉一片莫吞俟虫尋肉  
其頭向上却吐出肉嚼史君子三箇并輕粉一字吞下  
少頃以當晚所煎貫衆酒吞解毒雄黃圓七粒瀉下皆  
虫也

酒蠟膏殺諸虫

醇酒

一  
盞

蜜

一  
合

蠟

三  
錢

蜀漆

一  
兩

右銅鈹內慢火同熬可圓即圓彈子大每服一圓溫酒化開拂曉服之虫自下

附諸方

萬應丸下諸虫

檳榔

五  
錢  
末

大黃

八  
兩  
末

黑牽牛

四  
兩  
末

皂角

十  
定  
用  
不  
蛀  
者

苦楝根皮

一  
斤

右件將皂角苦楝根皮二味用水一大碗熬成膏子  
一處搜和前藥二味研細末為衣先用沉香衣後用  
雷丸木香衣每服三九四更時分用沙糖水送下

一方取寸白虫

紫檳榔

十箇

向陽石榴皮

七十片

右水煎露一宿以下虫為度

一方治吐虫有積

黑錫灰

檳榔

右為末米飲調下

木香三稜散

瑞竹

治腹中有虫面色痿黃一切積滯

黑牽牛

半生半取末五錢

大腹子

二錢

檳榔

雷丸

錫灰

醋炒

三稜

煨

蓬朮

煨

木香

二錢

大黃

二錢

右為末每服五錢用沙糖水調服先將燒肉一片口

中細嚼吐出然後服藥一方加阿魏一錢蕪荑仁三

錢

一方消化虫毒在腹作痛

檳榔

酸榴根皮

焙乾各一兩

紅丹

煨

雷丸

貫衆

如雞頭者

君子肉

各二錢

甘草

炙

枳殼

製

大黃

各五錢

右為末清油打薄雞子餅抄藥一錢於上空心捲而食之小兒糯米糊丸粟米大每服二三十九以淡猪

肉汁或雞汁吞下空心亦佳

烏梅丸治胃冷虵虫攻心痛嘔吐四肢冷

秘傳檳榔散治男婦心脾痛虫痛

方並見  
脾疼門

### 蠱毒

#### 蠱毒方論

害人利己識者不為昧者競趨之而况傷人性命以圖  
家道之溫煥此為富不仁之甚者也夫蠱毒有數種皆  
妖魅變惑之氣其怪使然人有造作而得之者多取虫

蛇之類以盆盎盛之任其自相啖食其間一物獨存則以之為蠱即能變惑隨酒食以毒害於人他人受殃則蓄事之家日益富盛又有一種飛蠱條爾去來狀如鬼氣得之卒重吁毋怪乎變現惑人之不可曉也凡中蠱毒不論年月遠近但煮一雞卵去殼以小銀釵插入其中併含入口一飯之頃取視釵卵俱黑即為中毒又法以水一碗唾津液入水其唾沉則為蠱浮則非蠱又法口含大豆中蠱者豆脹爛而皮脫非蠱則豆不脫爛其

候面目青黃力乏身痛唇口乾焦煩燥而悶胃腸妨滿  
肚脹皮堅腹中鞞鞞切痛如虫齧又如虫行唾吐鮮血  
小便淋瀝大便膿血雜下病人所食之物皆變化而為  
虫侵蝕臟腑蝕盡則死矣死則病氣流注復染着於傍  
人夫是之謂蠱症

凡中蠱人用藥已瘥自後飲食永不得喫冷若飲食  
帶冷鬼氣乘之毒虫復生竟不能救

蠱毒證治

治蠱毒挑生毒神呪出大藏經典凡在外飲食先默誦  
七遍則其毒不行呪曰姑蘇琢磨耶琢吾知蠱毒生四  
角父是穹窿穹母是舍耶女眷屬百千萬吾今悉知汝  
摩訶薩摩訶如飲食上有蜘蛛絲便莫喫又法每遇所  
到處念藥王萬福七遍亦可辟之灸蠱毒於足小指尖  
處灸三壯即有物出酒得之隨酒出飯得之隨飯出肉  
菜得之隨肉菜出

保靈丹治蠱毒諸毒一切藥毒神妙出劉涓子神仙遺

論雞峯普濟方一卷凡三處刊

朱砂

淨細研  
一兩

大山豆根

半兩

雄黃

黃丹

麝香

黃藥子

續隨子

生杵末各  
二錢半

川巴豆

肥者二錢半  
取肉不去油

斑猫

二錢半去  
頭翅足

糯米

半炒半  
生用

赤蜈蚣

二條一  
炙一生

右十味各修治入乳鉢研和於端午重陽臘日修合  
不令雞犬婦人見用糯米稀糊圓如圓眼核大陰乾

磁合收每服一圓好茶清吞下不得嚼破須臾病人  
自覺心頭如拽斷皮條聲將次毒物下或自口出或  
大便出嫩則是血老則成瘀或蠅蜋諸雜帶命之物  
藥圓凝血並下以水洗淨收之可救三人如中毒口  
噤即挑開下藥或蛇蝎馬汗諸毒以好醋磨傳患處  
立解服藥已效如知毒害之家不必研究若訴之其  
毒再發不救瘥後更忌酒肉毒食一月惟軟飯可也  
或急用但擇吉日精潔修合

聖惠同治蠱毒心腹堅痛羸瘁骨立

朱砂

研

雄黃

研細各  
七錢半

藜蘆

去蘆  
頭

莽草

微  
炙

鬼臼

去鬚各  
半兩

肥己豆肉

十五箇  
去油

麝香

一  
錢

青色大蝦蟇

一箇燒  
存性

斑猫

去翅足三錢  
糯米炒黃

右細末煉蜜和擣五百杵圓如小豆大每五圓空心  
溫酒下少刻更喫粥飲一盞利出虫蛇惡物若不吐  
利更服二丸必效

萬病解毒圓治蠱毒挑生毒藥毒草毒畜獸毒

方見癰疽門

夷堅志治蠱毒方

五倍子

一兩

硫黃

末二錢

甘草

三寸半生半炙透

丁香

木香

各一錢

輕粉

半錢

麝香

少許

糯米

二十粒

右八味剉細入磁瓶內用水滿十分煎取七分候藥面帶皺皮為熟生絹濾去滓空腹通口服却令病人平正仰睡高起頭覺腹中有物衝心者三即不得動

若吐出以桶盛之如魚鰾爛肉之類乃是惡物吐罷  
喫茶一盞瀉亦不妨少進白粥為補忌生冷油膩鮓  
脯鹹藏五日後服萬病解毒圓二粒旬日又服二粒  
自然平復

生漆圓治蠱毒

正料平胃散

右用好生漆和圓桐子大每七十粒空腹溫酒下加  
至百粒

東坡雄黃圓治蠱毒及虫蛇畜獸毒

雄黃

明白礬

生研等分

右端午日研細溶黃蠟為圓桐子大每七圓念藥王菩薩藥上菩薩七遍熟水送下

黃南衛生治蠱毒單方

破鼓皮

燒存性為末新水調二錢服之中蠱者雖昏眊口中言蠱主姓名

又方

蠶退紙

不拘多少以麻油紙撚燒存性

右為末研細新水調二錢頻服諸中毒面青脉絕昏迷如醉口噤吐血服之即蘇

七寶圓治蠱毒

破鼓皮

蠱退紙

各燒存性

刺蝟皮

五倍子

續隨子

朱砂

研

雄黃

研

右等分為細末糯米稀糊圓桐子大每七圓空心熟水下

又方治蠱毒亦治挑生毒

川升麻細剉一兩作一服水煎常服

又方

明礬生末夾好茶水調解百毒

挑生

挑生方論

人苟愛身不可輕於濯水江南有射工毒虫其色黑形如肉鰭口中橫骨如角弓生溪澗內或因雨潦逐水而

入人家含沙射人之影得之寒熱悶亂頭目俱痛亦如  
中尸卒不能語又水毒虫一名溪溫得之病狀與射工  
相若但有爛瘡為射工無瘡為溪溫特少異耳又沙蛭  
虫細如疥虫視不得見遇陰雨則行出草間著人身則  
鑽入皮裏刺如針芒是三者為病朝輕暮劇皆能殺人  
以方術灸法麝屑輩治之治之不早變生飛蠱條入患  
軀噉食五臟而死矣挑生之毒其類是乎挑生多於飲  
食過度凡魚肉果菜茶湯酒醋之中皆可挑毒以中人

自嶺以南率多有此其候初覺胃腹作痛次則漸漸攪刺十日生於腹中生則能動矣治法胃痛則為生在上膈腹痛則為生在下膈在上膈者用膽礬半錢投入一盞熱茶之內候礬溶化通口服之少頃以雞翎攪刺喉中取吐在下膈者用川鬱金二錢末之米湯調下即瀉出惡物吐瀉以後以人參一分白朮茯苓倍之碎為麤末新汲水和入磁瓶中慢火煨至半日每一盞通口服日兩三劑前蠱毒挑生呪常須誦之抑有聞焉二廣山

谷間有草曰胡蔓草亦曰斷腸草或以藥人急水吞之  
急死緩水吞之緩死又有取毒蛇殺之以草覆蛇以水  
洒草數日菌生採取為末入酒毒人始亦無患後再飲  
酒毒發立死其俗淫婦多偶合北人情好雖稠不肯歸  
北陰以藥置食中與之還即叩之曰子某年來若從其  
說復以藥解之若過期不來則斃矣戒之哉戒之哉

挑生證治

萬病解毒圓治挑生毒蟲毒藥毒草毒金石毒百出毒

蛇畜獸惡毒鬼胎鬼氣癰疽諸病一切毒出入可以此

藥隨身若覺意思不快四大不和即磨服之

方見癰疽門

治挑生方

好茶生明礬各一錢沸湯調服即吐毒

中諸毒證治

立勝散治虫蛇蜂蝎蛇蜘蛛沙虫等傷毒

大紅川椒

去核十粒

豆豉

十粒

右同入口嚼爛唾在手心次將南星末調和得所傳

傷處毒水自出續又再傳神效

又方

貝母

為末

右每服半兩令病人盡其酒量劇飲良久酒化為水  
從傷處出俟出盡又以貝母末塞瘡口妙不可言

蠅螻方蠅螻妖虫也隱於牆壁間尿射人之影令人遍  
體爛瘡如湯火所傷治法以

雞羽

燒存性

右麻油調傳雞食百虫故能治之或用燕糞水調傳  
或南向燕窠自東取土末之新水調傳

天蛇毒方

秦皮濃煎服蚌粉滑石貝母末傳

辟妖魅瘟瘵

朱砂雄黃等分為末法醋調入口鼻

治挑生毒蠱毒野葛毒方

川升麻多煎頻服

解諸藥毒殺腹內毒虫方

藍青葉多研水調服

五絕欲死方

半夏末水圓風乾入鼻氣回即活

頭虱方藥蘆末摻髮○又方麻油調輕粉塗髮

身虱方水銀和鶴虱末帛搽之為索繫衣自落

獨勝散解藥毒蠱毒虫蛇諸毒

大甘草節以真麻油浸年歲愈多愈妙

右取甘草嚼或水煎服神効

附跌撲損傷

跌撲損傷方論

袖珍方云折傷者謂其有所傷於身體者也或為刀斧所刃或墜墮險地打撲身體皆能使血出不止又恐瘀血停積於臟腑結而不散去之不早恐有入腹攻心之患治療之法須外用敷貼之藥散其血止其痛內則用花藥石散之類化利瘀血然後欸欸調理生肌或因折

傷而停鬱其氣又當順之子和云諸落馬墜井打撲傷損閃肭損折杖瘡腫發焮痛不止者可峻下二三十行痛止腫消宜以通經散導水丸等藥或加湯劑瀉之後服和血消腫散毒之藥

花藥石散

和劑方

治一切金刃所傷打撲傷損身體血出

者急於傷處摻藥其血自化為黃水如有內損血入臟腑熱煎童子小便入酒少許調一錢服之立效若牛觝腸出不損者急送入用細絲桑白皮尖茸為線

縫合肚皮縫上摻藥血止立活如無桑白皮用生麻  
縷亦得並不得封裹瘡口恐作膿血如瘡乾以津液  
潤之然後摻藥婦人產後敗血不盡惡血奔心胎死  
腹中胎衣不下並用童子小便調下

硫黃

上色明淨者四兩搗為細末

花藥石

一兩搗為粗末

右二味相拌和勻先用紙筋和鹽泥固濟瓦罐子一箇候泥乾入藥於內再用泥封口候乾安在四方磚  
至書八卦五行字用炭一秤籠壘固匝自巳午時從

下着火令漸漸上徹直至經宿火冷炭消又放經宿  
罐冷取出細研以絹羅子羅至細磁合內盛依前法  
服

金匱治馬墜及一切筋骨損方

大黃

一兩切浸成湯下

緋帛

如手大燒灰

亂髮

如雞子大燒灰

炊單布

一尺燒灰

敗蒲

一把二寸

桃仁

四十九箇去皮尖

甘草

如中指節炙判

右七味以童子小便量多少煎湯成內酒一大盞次

下大黃去滓分溫三服先剉敗蒲席半領煎湯浴衣  
被處斯須通利數行痛楚立瘥

復元活血湯

發明方

治從高墮下惡血留於脇下疼痛實

不可忍者

柴胡

半兩

當歸

六錢

甘草

川山甲

炮各二錢

大黃

酒浸一兩

桃仁

去皮尖五十箇

紅花

瓜萸根

各二錢

右件桃仁研爛餘藥剉如麻豆大每服一兩水二盞

半酒半盞煎至七分去滓食前大溫服以利為度得  
利後痛或不盡服乳香神應散靈樞云墜墮惡血留  
於脇下則傷肝肝胆之經行於脇下屬厥陰少陽宜  
以柴胡為引用為君以當歸活血脉又急者痛也以  
甘草緩其急亦能生新血陽生陰長故也為臣川山  
甲瓜萸根桃仁紅花破血潤血為之佐大黃酒製以  
蕩滌敗血為之使

地龍散治腰脊痛或打撲損傷從高墮下惡血留在太

陽經中令人腰脊或脛膕臂腰中痛不可忍

中桂

地龍

各四分

羌活

二錢

黃栢

甘草

各一錢

蘇木

六分

麻黃

五分

桃仁

六箇

歸梢

一分

右咬咀每服半兩水二盞煎至一盞去滓溫服

補損當歸散療墜馬落車傷腕折臂疼痛服此藥疼痛

即止筋骨即當相連

澤蘭

炒

附子

炮各一錢

當歸

炒

蜀極

炒

甘草

炙

桂心

各三分

芎藭

炒六分

右為細末每服二錢溫酒調服日三忌生葱猪肉冷水生果

接骨丹

沒藥

乳香

當歸

川椒

自然銅

醋淬

赤芍藥

敗龜

炙

虎骨

白芷

骨碎補

灸

千金藤

郁李仁是也各等分

又方加龍骨川芎

右為細末化臘半兩丸如彈子大每服一丸好酒半升化開煎用東南柳枝攪散熱服

秘傳止血定痛生肌散專治跌打損傷牙咬刀傷出血諸般腫毒出膿後肌肉不生痛不止者並皆治之

方見

破傷風門

一方治刀傷斧斫

五倍子一味為末乾貼神効

桑葉陰乾為末乾貼如無旋熨乾末貼之妙

湯火瘡

用臘月猪胆塗黃栢炙乾為末傅之

一方治火燒

桐油

水

各二錢

右二件以桃柳枝不住手攪成膏再入少水溶外用  
猫兒肚底毛細剪摻上

一方治湯火傷未成瘡者

用小麥炒黑為度研為末臘粉減半油調塗之

四黃散

瘡療方

治湯盪火燒熱瘡連痛

大黃

黃連

黃蘗

黃芩

白芨

各等分

右為末水調成膏以雞翎時塗瘡上

治湯火瘡

瘡療方

用螺螄殼多年乾白者火煨為末如瘡破用乾摻之

如不破輕粉清油調傳之

仁齋直指卷二十五

欽定四庫全書

仁齋直指卷二十六

宋 楊士瀛 撰

明 朱崇正 附遺

婦人

附 子嗣

產婦傷寒方論

或問婦人傷寒可得聞乎曰傷寒三百九十七條一百一十三方此張氏截然之筆削也於其證則有其藥曷嘗以男女為別哉要之月事去來產前產後男子所無

請發明其蘊以解世俗之惑蓋婦人以血為主發熱惡寒經水適來經日熱除而胃滿譴語者是則邪氣結於胃腸當刺期門隨其實而取之傷風經日續生寒熱發作似瘧而經水適斷者是則血結而不行當以小柴胡湯散之所謂治之而愈者此也至如傷寒發熱經水適來晝醒暮譴如見怪狀是則裏無留邪熱隨血散所謂不治自愈者此也前乎吐血下血兩條併以犀角地黃湯桃仁承氣湯抵當湯丸之類言之詳矣抑產前產後

治法將何擇焉曰產前安胎產後消瘀於是遵依條例斟酌輕重而調理之安胎者何桑寄生阿膠縮砂為要藥他如桂枝半夏桃仁大黃墮胎及燥熱等輩則不可輕用也消瘀者何川芎蒲黃赤芍藥生地黃為要藥他如內補攔住敗血之劑則不可輕進也朱氏以阿膠桑寄生人參伏苓白朮等為細末糯米飲調劑為孕婦安胎以紅花一分官桂芍藥甘草半之薑棗同煎為解表消瘀以葱白生薑大劑濃汁為產前發散以小柴胡湯

去半夏和解熱入子宮郭稽中以枳殼防風一度甘草減半末之點服主大便秘澀又以蜜導一法真可活人然則產婦證治觀此可以問津索塗矣雖然知安胎則不可不調氣知消瘀則不可不扶虛枳殼香附陳皮以調氣也當歸川芎黃耆人參以扶虛也退熱則柴胡黃芩解肌則紫蘇乾葛滋腸則麻仁枳殼助陽則乾薑良薑其間採摭雖未備古人之經然而甘辛為陽酸苦為陰皆不越古人之意姑存之篇末以便學者之觀覽云

婦人論

男女均有此血氣人皆曰婦人以血為本何邪蓋其血勝於氣耳血藏於肝流注子臟而主其血者在心上為乳汁下為月水合精而為胞胎獨非血乎血之所以流暢於經絡者氣實使之又不可舉一而遺一也女子十四而天癸至

男子二八天癸至精氣溢  
瀉衝任二脉男女均有

任脉通太衝之

脉盛故月候以時而行衝任者血之海也月候者經絡之餘也經言其常其來有期無過不及反此皆病其不

行則尤甚百病生焉○自其血氣和平陰陽調順則精血聚而胞胎成胞胎已成而心腎二脉其動也應手而疾盖心之所主者血腎之所主者精精血交并而成之精勝則為男血勝則為女此亦自然之理也○自其血氣不調陰陽愆伏過於陽則經脉前期而來過於陰則經脉後期而至盖血性得熱則宣流得寒則凝澁陰氣乘陽內寒血澁故其來乍少陽氣乘陰血熱流散故其來乍多過與不及皆致病也○然經脉不行其候有三

一則血氣盛實經絡遏閉其脉滑實見之

當通經疎利

一則形

體憔悴經絡涸竭其脉虛弱見之

當滋養血氣

一則風冷內

傷七情內賊以致經絡庫滯其脉浮濇見之

解散風冷去瘀生熱

經脉不行此諸病之所由生也○是故血虛關熱盜汗

筋攣則為虛勞血少水涸燥氣乘肺則為乾嗽宿寒留

滯血與氣搏則為腹痛敗血結塊時發寒熱則為癥瘕

或風寒滯經血化為水流溢四肢謂之血分或脾不制

水血與水并浮脹肌肉謂之虛腫或衝任氣虛內慾過

度風邪冷熱諸氣入於胞門穢液與血相兼而下冷則多白熱則多赤冷熱不調赤白相半謂之赤白帶或衝任勞損經海傷動脾虛衛弱不能約制其血倏然暴下謂之崩中亦有非時血行淋瀝不斷謂之漏下崩之中復有瘀血時崩時止謂之崩中漏下

所下五色各應五臟五臟俱虛五色

俱下婦人血海挾受風邪不換金正氣散加川芎官桂主之

以至眩暈煩悶嘔惡怔

忪迷亂多忘發狂妄語小便不禁此婦人以血受病最多而血之為病遇夜愈增劇也

血屬陰陰虛則夜爭

○然則產育

一科可得聞乎曰產前之病其脉貴乎實產後之病其脉貴乎虛產前為之順氣安胎產後為之扶虛消瘀此其要也抑產育之後血衰氣弱宿瘀未盡飲食起居梳洗解脫一有不謹得病猶甚易焉凡婦人血氣諸疾但用四物湯加以炒吳茱萸主之陰臟加多陽臟加少無不効者若產難若胎衣不下若胎損腹中則入醋夾煎或生料五積散加芎歸縮砂煎之以水醋或局方黑神散用乳香煎湯調下皆其類耳外此則有芎歸湯佐以

縮砂調理胎婦腹痛或胎動下血更以炒阿膠并熟艾  
濟之至若胎婦喘咳則縮砂川芎炒阿膠等分入生薑  
烏梅紫蘇梗最良胎婦艱食則調氣散枳殼散等分入  
縮砂為妙大小產後津液涸燥滯血停留易至大便秘  
結枳殼散加炒桃仁用蜜水同煎入醋數沸可也縮胎  
之劑枳殼縮砂烏藥所不可無安胎之劑阿膠縮砂桑  
寄生又不可闕婦人多因怒氣傷胎所以安胎尤莫先  
於順氣其於產後發熱黑神散加川芎荆芥入生薑蔥

白尤佳產後消瘀黑神散須多服餌至一臘以後腹中  
畧無疼痛方可與四物建中湯輩服之太早則補住敗  
血為害非輕若夫郭稽中所編產寶方論邇來書肆別  
有經驗節本辭簡理明此可為產科公據

附調經諸方

丹溪曰經候有枯閉不通者有不及期與過期者有妄  
行者有色紫黑及淡者有成塊者有作疼者夫經不  
通或因墮胎及多產傷血或因久患潮熱銷血或因

久發盜汗耗血或因脾胃不和飲食少進而不生血或因痢疾失血治宜生血補血除熱調胃之劑隨證用之或因七情傷心心氣停結故血閉而不行宜調心氣通心經使血生而經自行矣如虛中有熱月事不來以四物湯加黃芩治之常過期者血少也以芎歸參朮兼痰藥治之過期紫黑有塊作痛血熱也以四物湯加香附黃連過期色淡挾痰者以二陳湯加芎歸常不及期者血熱也以四物湯加黃芩黃連香

附肥人多兼痰藥治之血枯經閉者以四物湯加紅  
花桃仁痰多拈住血海地位因而下多者目必漸昏  
肥人多有之以南星蒼朮川芎香附作丸服之肥人  
軀脂滿經閉者以導痰湯加芎歸黃連不可服地黃  
泥痰故也如用必以薑汁炒肥人少子亦由痰多脂  
膜閉塞子宮不能受精而施化也宜服上藥瘦人子  
宮無血精氣不聚亦令無子以四物湯養血養陰等  
藥經水未行臨經將來作痛者血實也一曰瘀血鬱

滯也以四物湯加桃仁香附黃連紅花或加玄胡索  
莪朮木香有熱加柴胡黃芩經水行後而作痛者氣  
血俱虛也以八物湯加減煎服又云血為氣之配因  
氣而行成塊者氣之凝將行而痛者氣之滯行後作  
痛者氣血虛也色淡者亦虛也而有水以混之也錯  
經妄行者氣之亂也紫者氣之熱黑則熱之甚也今  
人悉指為風冷而行溫熱之劑禍不旋踵

四物湯

和劑方

治衝任虛損月水不調常服調益榮衛滋

養血氣

當歸

去蘆

川芎

白芍藥

熟乾地黄

酒蒸焙各等分

右咬咀每服四錢水一盞煎八分空心服崩中去血過多者加熟艾煎服

大溫經湯

和劑方

治衝任虛損月候不調或來多不已或

過期不行或崩中去血過多或經損娠瘀血停留小腹急痛五心煩熱

阿膠

碎炒

芎藭

當歸

去蘆

人參

去蘆

肉桂

去皮

甘草

炒

芍藥

牡丹皮

各一兩

半夏

二兩半

吳茱萸

二兩各湯洗七次

麥門冬

去心五兩半

右咬咀每服三錢水一盞薑五片煎八分空心熱服

調經散治經水或前或後或多或少或踰月不至或一

月而來皆可服

川歸

酒洗一錢半

麥門冬

去心二錢

吳茱萸

擇去閉目者沸湯泡七次焙乾半錢

人參

去蘆

半夏

湯泡七次

白芍藥

牡丹皮

去心

川芎

各一錢

肉桂

半錢

阿膠

炒

甘草

各七分半

右細切作一服水二盞加生薑三片煎至一盞空心

稍熱服

逍遙散

和劑方

治血虛煩熱月水不調臍腸脹痛痰嗽潮

熱

甘草

炙半兩

當歸

去蘆炒

茯苓

去皮

芍藥

白朮

柴胡

去苗各一兩

右咬咀每服三錢水一盞煨薑一塊薄荷少許煎服不拘時

加減吳茱萸湯治衝任衰弱月候愆期或前或後或崩漏不止赤白帶下小腹急痛每至經脉行時頭眩飲食減少氣滿心忪肌膚不澤悉皆主之

吳茱萸

半兩

麥門冬

乾薑

白茯苓

牡丹皮

南木香

苦梗

錢各三

甘草

錢半三

當歸

半兩

北細辛

錢一

防風

官桂

各一分

半夏

錢七

右咬咀每服四錢水一盞半生薑五片棗子一枚煎至七分去滓空心溫服

桃仁散治婦人月水不調或淋瀝不斷斷後復來狀如瀉水四體虛翕不能飲食腹中堅痛不可行動月水

或前或後或經月不來舉體沉重唯欲眠睡多思酸  
物

桃仁

粉草

半夏

各一兩

赤芍藥

生地黄

各三兩

澤蘭葉

川牛膝

當歸

桂心

牡丹皮

人參

蒲黃

川芎

各兩

右為粗末每服五大錢水盞半薑三片煎七分空心

去滓溫服

牡丹散

和劑方

治血氣虛損內則月水不行外發潮熱肢

體羸困漸成骨蒸並宜服之

桂心

牡丹皮

芍藥

玄胡索

炒

沒藥

別研

陳皮

去白

紅花

當歸

去蘆

甘草

烏藥

各一兩

真蓬莪朮

鬼箭

蘇木

各二錢半

乾漆

炒二兩

右咬咀每服三錢水一盞煎七分不拘時候

內補當歸圓治血氣虛損月水不調或崩中漏下去血過多肌體羸困及月水將行腰腿痛重並皆治之

真蒲黃

炒七錢

熟地黄

半兩

當歸

酒煮

阿膠

炒

白芷

續斷

乾薑

炮

甘草

炙

川芎

各四兩

肉桂

附子

炮去皮臍

白芍藥

各一兩

白朮

吳茱萸

湯洗七次炒各三兩

右為末煉蜜丸梧桐子大每服五十九丸食前溫酒下

內炙散

和劑方

治婦人血氣虛損崩中漏下淋瀝不已或

凝積血塊腰腹刺痛凡月水不調血暈頭眩皆治

藿香葉

丁香皮

熟乾地黄

洗焙

肉桂

去皮各一兩半

甘草

炙

當歸

去蘆

白朮

山藥

白芷

各八兩

茴香

一兩半

藁本

去蘆

乾薑

炮

川芎

黃芪

去苗

木香

白芍藥

各一兩

陳皮

去白四兩

右為末每服三錢水一盞薑五片艾十葉同煎空心熱服溫酒調下亦可如產後下血過多加蒲黃煎惡露不快加當歸紅花煎嘔吐加藿香生薑煎

溫經湯

大全良方

治婦人血海虛寒月水不利

當歸

川芎

芍藥

桂心

牡丹皮

莪朮

各半兩

人參

甘草

牛膝

各一兩

右呿咀每服五錢水一盞半煎至八分溫服不拘時服

凌花散

澹寮方

治婦人月水不行發熱腹脹

當歸

酒浸

凌霄花

劉寄奴

紅花

酒浸候煎藥一二沸即入

官桂

去皮

牡丹皮

酒洗

川白芷

赤芍藥

延胡索

各等分

右呿咀每服四錢水一盞酒半盞煎八分再入紅花

煎熱服

四製醋附丸

瑞竹堂方

治婦人女子經候不調

香附子

去毛一斤  
作四分

一分好酒浸七日

一分小便浸七日

一分鹽水浸七日

一分米醋浸七日

各焙乾

右為末醋糊丸如梧桐子大每服七十丸空心食前

鹽酒送下肥人依方服瘦人加澤蘭葉赤茯苓

各二兩

六合湯

濟生方

治婦人經事不行腹中結塊腰腿重痛

當歸

白芍藥

官桂

去皮

熟地黄

洗

川芎

蓬朮

炮各等分

右咬咀每服四錢水一盞煎七分空心服

白薇圓

大全良方

治婦人月水不利四肢羸瘦漸覺虛乏

當歸

白薇

栢子仁

白芍藥

川芎

白朮

桂心

附子

草薢

木香

細辛

吳茱萸

各半兩

人參

石斛

白茯苓

川牛膝

澤蘭葉

各七錢半

檳榔

半兩

熟地黄

二兩

牡丹皮

紫石英

各一兩

右為末煉蜜圓如梧桐子大每服五十九空心溫酒

下

茯苓補心湯

治婦人

去血過多虛勞發熱

用四物湯一兩參蘇飲三兩和勻生薑五片煎八分

溫服

方見虛勞門

增損四物湯

蘭室秘藏方

治血積

當歸

川芎

白芍

熟地黄

蓬莪朮

京三稜

官桂

乾漆

炒烟盡  
各等分

右咬咀每服五錢水二盞煎一盞去滓溫服食前

磨積圓

楊氏家藏方

治婦人積氣內攻經候不調腹脇膨脹

刺痛

京三稜

莪朮

各煨  
二兩

茴香

炒

附子

炮

川棟子肉

白芍藥

乾薑

炮各一兩半

巴戟

去心炒

當歸

洗

艾葉

醋炒各一兩七錢半

右為末酒糊圓如梧桐子大每服五十圓空心溫酒

下

麥門冬散

大全良方

治婦人客熱四肢煩悶疼痛飲食不下

麥門冬

柴胡

赤茯苓

各一兩

羚羊角

赤芍藥

桑白皮

黃耆

各三分

生地黃

甘草

各五錢

右咬咀每服一兩水二盞生薑三片煎至一盞去滓

通口服

黃耆散

大全良方

治婦人熱勞羸瘦四肢煩疼心燥口乾不

欲飲食

人參

黃芩

當歸

各七錢半

柴胡

一兩半

黃耆

地骨皮

赤茯苓

麥門冬

生地黃

赤芍藥

白芍藥

各一兩

右咬咀每服一兩水二盞薑五片煎至一盞去滓通

口食前服

烏雞煎圓

秘方

治婦人百病虛勞血氣赤白帶下等證

人參

二兩

茯苓

三兩

香附子

四兩

當歸

六兩

官桂

地骨皮

各二兩

生熟地黄

四兩

黃耆

六兩

右用烏骨白雞一隻男用雌女用雄籠住將黃耆末

和炒麵圓雞頭大喂雞服生膠吊死腸肚洗淨擄毛  
搥碎骨入前藥雞腹內用酒醋各一瓶煮一宿取骨  
焙枯研用汁打糊圓如梧桐子大每服五十圓鹽湯  
下

勝金圓

一方名不換金丸治婦人諸虛不足心腹疼痛一名勝金丹有沉香

治婦人久虛

無子產前產後一切病患兼療男子下虛無力此藥  
能安胎催生姙娠臨月服五七圓產時減痛婦人無  
子是子宮冷如服二十圓男女自至又治積年血風

脚手麻痺半身不遂赤白帶下血如山崩及治產後  
腹中結痛吐逆心痛子死腹中遶臍痛氣滿煩悶失  
蓋汗不出月水不通四肢浮腫無力血勞虛勞小便  
不禁中風不語口禁產後痢疾消渴眼前見鬼迷暈  
敗血上衝寒熱頭痛面色痿黃淋瀝諸疾血下無度  
血痢不止飲食無味產後傷寒虛煩勞悶產後血癖  
產後羸瘦凡婦人衆疾不論年月日深並皆治之

白芍藥

藁本

石脂

赤白  
皆可

川芎

不見火

牡丹皮

當歸

白茯苓

人參

白薇

白芷

桂心

延胡索

白朮

沒藥

甘草

炙○江西安撫司  
沒藥甘草歲半

右十五味等分為細末煉蜜為圓如彈子大每服一圓溫酒化下初產子並用熱醋湯下空心食前

此方係王子宣祖傳渠家凡婦人懷身便服此

藥甚神妙常服尤好係在京師於能家傳到

七製香附丸治婦人諸虛百損血氣不調月水前後結  
成癥瘕或骨蒸發熱四肢無力並皆治之

香附

當歸

各二兩同  
用酒浸

香附

義木

各二兩同  
用童便浸

香附

二兩

牡丹皮

一兩

艾葉

一兩同用  
米泔浸

香附

烏藥

各二兩同  
用米泔浸

香附

二兩

川芎

玄胡

各一兩同  
用水浸

香附

二兩

三棱

柴胡

各一兩同  
用泔浸

香附

二兩

紅花

一兩

烏梅肉

二十個同  
用鹽水浸

右作七處春浸三日夏浸二日秋浸七日冬浸十日  
曬乾為末入藥汁打糊為丸如梧桐子大每服八十  
丸臨卧酒調下

王節齋曰婦人女子經脉不行多有脾胃損傷而致者  
不可便認作經閉血死輕用通經破血之藥遇有此  
證便須審其脾胃如何若因飲食勞倦損傷脾胃少  
食惡食泄瀉疼痛或因誤服汗下攻剋藥傷其中氣

以致血少而不行者只宜補養脾胃用白朮為君茯苓芍藥為臣佐以黃耆甘草陳皮麥芽川芎當歸柴胡等藥脾旺則能生血而經自行矣又有飲食積滯致損脾胃者亦宜消積補脾若脾胃無病果有血塊凝結方宜行血通經

附子嗣

子嗣方論

內經曰陰搏陽別謂之有子

謂陰脉搏手其中別有陽脉也是為血氣

和平陽施而陰化也蓋為人之夫婦猶天地然天地之道陰陽和而後萬物育夫婦之道陰陽和而後男女生是故欲求嗣者先須調其婦之經脉經脉既調則氣血和平氣血和平則百病不生而樂乎有子矣丹溪云若是肥盛婦人稟受盛厚恣於酒食之人經水不調不能成胎謂之軀脂滿溢閉塞子宮宜行濕燥痰用半夏蒼朮台芎防風羌活滑石或導痰湯之類若是怯瘦性急之人經水不調不能成胎謂之子宮乾澁無血不能攝

受精氣宜涼血降火或四物加香附黃芩柴胡養血養陰等藥可宜東垣有六味地黃丸以補婦人之陰血不足無子服之者能使胎孕

又訣云三十時中兩日半二十八九君須筭落紅滿地是佳期金水過時空霍亂霍亂之後枉費工樹頭樹底覓殘紅但解開花能結子何愁丹桂不成叢此蓋婦人月經方絕金水纔生此時子宮正開乃受精結胎之候妙合太和之時過此佳期則子宮閉而不受胎矣然男

女之分各有要妙存焉如月候方經一日三日五日交會者成男二日四日六日交會者成女過此則不孕矣又云陰血先至陽精後衝縱氣來乘血開裏精陰外陽內則成坎卦之象而為男若陽精先入陰血後參橫氣來助精開裏血陰內陽外則成離卦之象而為女若胎成三月之內男女未分之時亦有轉女為男之術其法以鉄斧一柄置於孕婦床席之下勿令人見知更佩雄黃一二兩於孕婦身左或佩萱花亦可已上三法皆驗

不可輕忽傳曰不孝有三無後為大古詩云無官一身

輕有子萬事足誠哉是言也無嗣者宜深思之無怠

詵詵圓

利劑方

治婦人衝任虛寒胎孕不成或多損墜

澤蘭葉

一兩半

肉桂

去皮五錢

當歸

洗焙

熟地黃

洗焙

川芎

石斛

酒洗炒

白芍藥

牡丹皮

延胡索

各一兩

白朮

一兩半

乾薑

炮半兩

右為末醋糊丸如梧桐子大每五十丸空心溫酒下

艾附暖宮丸治婦人子宮虛冷帶下白淫面色痿黃四肢痠痛倦怠無力飲食減少經脉不調血無顏色肚腹時痛久無子息服藥更宜戒惱怒生冷累用經驗

艾葉

大葉者去枝梗三兩

香附

去毛六兩俱要合時採者用醋五升以瓦礫煮一晝夜搗

爛分餅慢

火焙乾

吳茱萸

去枝梗

大川芎

雀胎者

白芍藥

酒炒

黃耆

取黃色白色軟者各二兩

川椒

酒洗三兩

續斷

去蘆一兩五錢

生地黄

生用一兩酒洗焙乾

官桂

五錢

右為細末上好米醋打糊為丸如梧桐子大每服五七  
十九丸淡醋湯食遠送下修合日宜天德合月德合日  
壬子日精選藥材為妙耳

烏雞丸治婦人羸弱血虛有熱經水不調崩漏帶下骨  
蒸等疾不能成胎

用白毛烏骨公雞一隻重二斤半許閉死去毛腸淨  
用艾四兩青蒿四兩剉碎納一半在雞腸用空酒壚  
一隻納雞并餘艾蒿在內用童便和水灌令沒雞二

寸許煮絕乾取出去骨餘俱搗爛如薄餅狀焙乾研為細末

南香附子去毛淨一斤分作四分米泔水浸一分童便浸一分醋浸一分酒浸一分春秋二日夏一日冬四日取出晒乾

熟地黄

四兩

當歸

酒浸洗

白芍藥

鱉甲

醋浸炙黃色

遼人參

各三兩

川牛膝

去蘆

白朮

知母

各二兩

川芎

三兩半

牡丹皮

去心

貝母

柴胡

各二兩

地骨皮

乾薑

玄胡索

黃連

炒各一兩

秦艽

一兩半

黃耆

白茯苓

去木一兩

生地黄

懷慶者勿犯鐵三兩

右并香附共為細末并雞末酒醋糊為丸如梧子大每服五六十丸漸加至七八十丸溫酒下或米飲下亦得忌煎炒辛辣之物及菹菜

白薇丸

大全良方

治婦人無子

白薇

牡蒙

藁本

各五分

薑黃

當歸

熟地黃

各七分

川芎

人參

栢子仁

石斛

桂心

附子

炮

五味子

防風

甘草

川牛膝

吳茱萸

桑寄生

各六分

川椒

二分

禹餘糧

八分

右為末煉蜜丸如梧桐子大空心酒下三十九日二

服忌生菜葱熟麴蕎麥蒜猪肉炙燂葵菜蕪荑菰菜  
海藻粘食臭物

孕育備論

經云少陰脉動甚者有子厥旨何哉曰手少陰之經屬  
心足少陰之經屬腎心之所主者血腎之所主者精精  
血合氣而成之也然而胞門子戶又所以為精血之會  
其於尺部二脉尤有可驗者焉且婦人尺部之脉滑是  
為血實必主月事不行若其來斷絕或中絕而不至者

此皆無孕惟滑而不絕畧無間斷於其間此則真胎孕之脉也○婦人懷胎臟氣擁閉不可多睡不可憂懼勞役不可啖食粘滯辛辣強硬之物又不可妄施針灸所貴時行數步調暢自適使氣得其平若酒麵炙燂熱毒熏蒸若感觸風邪傳染熱氣若誤服藥餌破血動胎若七情內傷快意縱慾則易致漏胎若腹痛方來用力太早若覺則驚動胎轉未得若抱持不正奔突後趨若近產多淫觸犯禁忌則易致產難既產之後或過用心力

或素有痰阻或血虛氣逆或虛極乘寒則血暈眩悶之證生矣○然而安胎之法有二因母病以致動胎者但療母病其胎自安或胎氣不堅因觸動以致母病者則安胎而母自產以膠艾湯芎歸湯各半縮砂佐之為良難產之劑前所謂四物湯加吳茱萸入醋夾煎黑神散用乳香煎湯調下皆其要藥產後血暈先以舊漆器燒煙微向其鼻次則五靈脂末半生半炒入蘇合香圓百沸湯調與之或黑神散入麝少許調以紫蘇湯或花藥

石散用童子小便溫溫調劑可也損孕驗法婦人面色青手足冷指甲黑而且遍體不仁腰腹痛割其或面青唇青以至舌間黯黑口角沫出則不容以人力勝之大要將產腹痛萬勿驚動且須凭物而行直至腰疼子逼育門方可用力蓋腎繫於腰而胎繫於腎故也○俗於產下多用理中丸然蜜甘而滯不若但用理中湯俗於小兒初誕多用黃連然差苦傷胃不若但用甘草炙煎綿蘸入口良久迭用惡物自出俗於胎孕已成多服滑

胎枳殼散然枳殼微寒須以縮砂烏藥為佐產後飯食  
米飲勿用產後盥洗沸湯是常調血以四物逐瘀以黑  
神人所共知也若夫順氣等劑胎前產後尤當兼施而  
並用之

血暈昏迷切勿用降  
真香熏之以塞其氣

### 論王叔和劉元賓別男女法

叔和以左手太陽浮大為男右手太陰沉細為女元賓  
以右手浮大為女左手沉實為男較是二說不無抵牾  
然即其脉經本旨而詳之又有若異而實同者經曰左

手沉實為男右手浮大為女又曰左右手俱浮大者生  
二女俱沉實者生二男元賓之所主者此也經曰左手  
尺中浮大者男右手尺中沉細者女又曰尺脉俱浮產  
二男尺脉俱沉產二女叔和之所主者此也何者沉細  
之說與沉實之義不同左尺浮大之說與右手浮大者  
亦異欲知男女之法大抵沉實者可以為男沉細者斷  
然為女右手浮大者固知其女左尺浮大者大抵皆男  
沉細為女沉實為男即所謂諸陽為男諸陰為女者是

也左尺浮大為男右手浮大為女即所謂左疾為男右疾為女者是也元賓言其詳蓋合左右手而別陰陽叔和言其畧特不過脉經論尺脉之義矣尚何有異同之辨哉

聖惠云凡脉得太陽為男得太陰為女蓋太陽則浮太陰則沉也脉經云尺脉左偏大為男尺脉右偏大為女左右俱大產二子大者大而有力也左右手脉俱疾二子脉來縱橫逆而不順並主夾胎左尺脉帶強右尺帶弱者為

男右尺脈帶強左尺帶弱者為女胎婦遣面南而行忽從後呼之左回首者為男右回首者為女或於廁所呼之亦同又胎婦其夫左乳有核者生男右乳有核者生女附胎前諸方

安胎當歸湯

大全良方

療妊娠五月舉動驚愕胎動不安下

墜小腹引腰脇小便疼痛下血

當歸

阿膠

川芎

人參

各一兩

棗子

二枚

艾

一虎口

右細切酒水各三升合煮至三升內膠令烊分二服  
腹中當安小便當煖也○一方有甘草無參棗

旋覆花湯

大全良方

療妊娠六七月間胎不安常處亦名阻

病

旋覆花

一兩

厚朴

白朮

枳殼

黃芩

茯苓

各三兩

半夏

炒一兩無方

芍藥

生薑

各二兩

右㕮咀每服一兩水鍾半煎至一鍾去滓溫服食前

忌羊肉錫醋桃李雀肉

阿膠散

大 全 良 方

治妊娠胎動腹中痞痛不思飲食

白茯苓

白朮

川芎

阿膠

炒 各 七 錢 半

當歸

炒

陳皮

各 一 兩

甘草

二 錢 半

右咬咀每服八錢生薑三片棗二枚水一鍾半煎至八分食前溫服

當歸散

金 匱 方

妊娠宜常服之

當歸

川芎

白芍藥

黃芩

各一兩

白朮

半兩

右五味為末酒飲調服方寸匕日二次或用酒糊為丸如梧桐子大每服五十九茶湯任下空心食前服

日三次

桑寄生散

濟生方

治胎漏經血妄行淋瀝不已

當歸

去蘆酒浸

桑寄生

川續斷

酒浸

川芎

白朮

香附子

炒去毛

阿膠

蛤粉炒  
成珠

人參

茯神

去木各  
一兩

甘草

炙五錢

右咬咀每服四錢水一鍾薑五片煎七分去滓不拘

時服

半夏茯苓湯

和劑  
方

治妊娠惡阻惡聞食氣胃膈痰逆嘔

吐

旋覆花

陳皮

去白  
麩炒

桔梗

白芍藥

人參

去  
蘆

甘草

炙

川芎

各半兩

半夏

炮二兩二錢半

赤茯苓

熟芩

各七錢半

右咬咀每服四錢水一鍾薑四片煎七分空心熱服

竹茹湯

和劑方

治妊娠嘔吐頭痛眩暈

橘紅

去白一兩

人參

麥門冬

去心

白朮

各一兩

甘草

二錢半

厚朴

薑製

白茯苓

各半兩

右咬咀每服五錢水一鍾薑五片入竹茹一塊如彈

子大同煎至八分溫服不拘時

竹葉湯

簡易方

治妊娠心驚膽怯終日煩悶證曰子煩

白茯苓

四兩

防風

麥門冬

去心

黃芩

各三兩

右咬咀每服四錢水一鍾竹葉五片煎服不拘時

羚羊角散

永類經方

治妊娠中風頭項強直筋脉攣急言語

蹇澁痰涎不利或時發搐不省人事名曰子癇

羚羊角

鎊

川獨活

酸棗仁

炒

五加皮

錢各半

薏苡仁

防風

當歸

川芎

茯苓

杏仁

各四分

木香

甘草

各二分半

右咬咀每服四錢水一鍾薑五片煎七分不拘時服

防風湯

大全良方

治妊娠中風卒倒心神悶亂口噤不能言

四肢強急

防風

寄生

葛根

各一兩

菊花

防己

細辛

秦朮

當歸

官桂

茯苓

甘草

羚羊角

各半兩

右咬咀每服四錢水一鍾半生薑三片煎至八分去滓加竹瀝半合溫服不拘時

全生白朮散

簡易方

治妊娠面目虛浮肢體腫如水氣名

曰子腫

白朮

生薑皮

大腹皮

陳皮

白茯苓皮

各半兩

右為末每服二錢米飲調下不拘時

腎著湯

大全良方

治妊娠腰腳腫

茯苓

白朮

各四錢

杏仁

甘草

各三錢

右咬咀每服八錢水二鍾煎至一鍾去滓通口食前

安榮散

劑生方

治妊娠小便澁少遂成淋瀝名曰子淋

麥門冬

去心

通草

滑石

各三錢

當歸

去蘆酒浸

燈心

甘草

各半兩

人參

細辛

各一兩

右為細末煎麥門冬湯調下不拘時

紫蘇飲

濟生方

治胎氣不和湊上心腹脹滿疼痛謂之子

懸

大腹皮

川芎

白芍藥

陳皮

去白

紫蘇葉

當歸

去蘆酒浸各一兩

人參

甘草

各半兩

右咬咀每服四錢水一鍾生薑五片葱白七寸煎至

七分空心溫服

獨聖散治胎前心腹諸痛胎動不安此藥安胎止痛行氣故也若非八九箇月不宜多服

砂仁

不拘多少  
去皮畧炒

右為細末每服一匕熱酒或艾湯米飲鹽湯皆可調服如覺胎中熱即安矣大抵妊婦不可缺此

東胎散第八箇月可服

炒黃芩

夏一兩春秋七錢半冬五錢

白朮

不見火

陳皮

各二兩

茯苓

七錢半  
不見火

右為末粥丸服

達生散又名東胎散

大腹皮

三錢

人參

陳皮

紫蘇

葉各半錢

白朮

芍藥

歸身尾

甘草

炙二錢

右作一服入青葱五葉黃楊腦十箇此即黃楊樹葉  
稍兒也或加枳殼砂仁以水煎食後服於八九箇月

服十數貼甚得力夏月加黃芩冬不必加春加川芎  
或有別證以意消息於后氣虛加參朮氣實倍香附  
陳皮血虛倍當歸加地黃形實倍紫蘇性急加黃連  
有熱加黃芩濕痰加滑石半夏食積加山查食後易  
飢倍黃楊腦有痰加半夏腹痛加木香桂  
又方治難產

砂仁

香附

醋黃

枳殼

甘草

右為末湯調下以香油蜜小便和勻各半鍾調並母  
草末

催生

白芷灰

百草霜

滑石

右為末用芎歸煎湯調下或薑汁服

天麻丸易產

天麻

即並母草六月  
間連根採陰乾

右為末不拘多少煉蜜丸如龍眼大臨睡時溫酒或

白湯化一九能除產後百病

催生丹療產婦生理不順產育艱難或橫或逆大有神

効宜天醫日合

十二月兔腦

去膜碾  
如泥

通明乳香

研細

母丁香

研為末  
各一錢

麝香

一字  
研細

右以乳麝丁香拌勻入兔腦髓和丸雞頭大陰乾油  
紙密封固臨產服一九溫水送下立產男左女右手

中握藥出神驗

風寒熱病

表虛六合湯

聖惠方

若妊娠傷寒中風表虛自汗頭痛項

強身熱惡風脉浮而弱太陽經病宜服

四物湯

四兩

桂枝

地骨皮

各七錢

表實六合湯

聖惠方

若妊娠傷寒頭痛身熱無汗脉浮緊

惡寒太陽經病宜服

四物湯

四兩

麻黃

細辛

各半兩

風濕六合湯

聖惠方

若妊娠傷寒中風濕之氣肢節煩疼

脉浮而瀉頭痛太陽標病也宜服

四物湯

四兩

防風

蒼朮

製各七錢

升麻六合湯

聖惠方

若妊娠傷寒下後過經不愈溫毒發

斑如錦文宜服

四物湯

四兩

升麻

連翹

各七錢

柴胡六合湯

聖惠方

若妊娠傷寒曾滿痛而脉弦少陽頭

昏項強宜服

四物湯

四兩

柴胡

黃芩

各七錢

大黃六合湯

聖惠方

若妊娠傷寒大便硬小便赤氣滿而脈

沉數陽明太陽本病也急下之宜服

四物湯

四兩

大黃

五錢

桃仁

十箇去皮尖麤炒

厚朴六合湯

聖惠方

若妊娠傷寒汗下後虛痞脹滿者陽

明本病也宜服亦治咳嗽喘滿

四物湯

四兩

厚朴

枳實

麤炒各五錢

人參六合湯

聖惠方

若妊娠傷寒汗下後咳嗽不止者宜

服

四物湯

兩四

人參

五味子

錢各五

梔子六合湯

方聖惠

若妊娠傷寒汗下後不得眠者宜服

四物湯

兩四

梔子

黃芩

錢各五

石膏六合湯

方聖惠

若妊娠傷寒身熱大渴蒸熱而煩脉

長而大者宜服

四物湯

兩四

石膏

知母

錢各五

茯苓六合湯

方聖惠

若妊娠傷寒小便不利太陽本病宜

服

四物湯

四兩

茯苓

澤瀉

各五錢

琥珀六合湯

聖惠方

若妊娠傷寒太陽本病小便赤如血

狀者宜服

四物湯

四兩

琥珀

茯苓

各五錢

膠艾六合湯

聖惠方

若妊娠傷寒汗下後血漏不止胎氣

損者宜服

四物湯

四兩

阿膠

艾葉

各五錢

一方加甘草同上 一方加乾薑甘草黃耆

附子六合湯

聖惠方

若妊娠傷寒四肢拘急身涼微汗腹

中痛脉沉而遲少陰病也宜服

四物湯

四兩

附子

炮去皮臍

桂

各五錢

前胡湯

大全良方

治妊娠傷寒頭痛壯熱肢節煩疼

石膏

一錢二分

前胡

六分

甜竹葉

三分

黃芩

大青

各五分

知母

梔子

各四分

右咬咀每服八錢水一盞半葱白三寸煎至八分去

滓溫服不拘時外臺無甜竹葉

黃耆解肌湯

聖惠方

治妊娠傷風自汗

人參

黃耆

當歸

川芎

甘草

各半兩

芍藥

六錢

右咬咀每服八錢水二盞煎至八分去滓溫服不拘時加蒼朮生地黃亦可

百合散

濟生方

治妊娠風壅咳嗽痰喘滿悶

百合

蒸

紫苑茸

洗

貝母

去心

白芍藥

前胡

去蘆

赤茯苓

去皮

桔梗

去蘆炒  
各一兩

甘草

炙五錢

右咬咀每服四錢水一盞薑五片煎至八分去滓溫

服不拘時

馬兜鈴散

大全良方

治妊娠胎氣壅滯咳嗽喘急

馬兜鈴

桔梗

人參

甘草

貝母

各五錢

陳皮

大腹皮

紫蘇

桑白皮

各一兩

五味子

七錢

右咬咀每服八錢生薑三片水一盞半煎至八分去

滓食後溫服

食公下氣湯

大全良方

治妊娠心腹脹滿兩脇妨悶不下飲

食四肢無力

羌活

赤芍藥

甘草

檳榔

青皮

大腹皮

陳皮

赤茯苓

半夏

桑白皮

官桂 各五錢

紫蘇 二兩

右咬咀每服八錢生薑五片棗一枚水一盞半煎至八分去滓食前服

香桂散

大全良方

下死胎

麝香

另研五分

官桂

末三錢

右共和勻用溫酒一盞調服須臾如手推下

一字神散

大全良方

治子死腹中胎不下胞破不生此方累

有効驗

鬼白

不拘多少黃  
色者去毛

右研為末以手指撚之如粉極細為度此藥不用羅  
每服三錢用無灰酒一盞同煎至八分通口服立生  
如神

附產後諸方

王節齋曰凡婦人產後陰血虛陽無所依而浮散於外  
故多發熱治法用四物湯補陰血而以炙乾薑之苦  
溫從治收其浮散使歸依於陰然產後脾胃虛多有

過服飲食傷滯而發熱者悞作血虛則不効矣但遇產後發熱者須審問服何飲食有無傷積胃膈飽悶噯氣惡食泄瀉等證只作傷食治之若發熱而飲食自調者方用補血證法產後無得令虛當大補氣血為先雖有雜證以末治之一切病多是血虛皆不可發表產後中風切不可作風治必大補氣血為主然後治痰當以左右手之脉分其血氣多少而治產後中風口眼喎斜切不可服小續命湯產後水腫必用

大補氣血為主少佐蒼朮茯苓使水自利產後大發熱必用乾薑輕者用茯苓淡滲其熱一應寒苦并發表之藥皆不可用產後發熱惡寒皆屬血虛左手脉不足補血藥多於補氣藥惡寒發熱腹痛者當去惡血腹滿者不是產後發熱乳汁不通及膨者無子當消用麥蘖二兩炒研細末清湯調下作四服有子者用水通通草猪蹄煎服凡產後有病先固正氣前條云產後大熱必用乾薑或曰用薑者何也曰此熱非

有餘之熱乃陰虛生內熱耳故以補陰藥大劑服之  
且乾薑能入肺和肺氣入肝分引血藥生血然不可  
獨用必與補陰藥同用此造化自然之妙非天下之  
至神孰能與於此乎產後脉洪數產前脉細小澁弱  
多死懷孕者脉主洪數已產而洪數不戢者多主死  
一方產後補虛

人參

白朮

錢各一

茯苓

歸身尾

陳皮

川芎

錢各半

甘草

炙三錢

有熱加黃芩

一錢

生薑三片水煎服

產後消血塊方

滑石

三錢

沒藥

血竭

各二錢如無牡丹皮代之

右為末醋糊丸如惡露不下以

闕

皮湯下瓦礫子能消血塊

又方治產後泄瀉

黃芩

白朮

川芎

茯苓

乾薑

滑石

陳皮

炒芍藥

甘草  
炙

右㕮咀水煎服

又方治產後惡露不盡小腹作痛

五靈脂

香附

一方加蛤粉

右為末醋糊丸甚者入桃仁不去尖用

參朮膏治產後胞損成淋瀝證

人參

二錢半

白朮

二錢

桃仁

陳皮

茯苓

各一錢

黃耆

半一錢

甘草

炙五分

右咬咀水煎猪羊胞後入藥作一服

奪命丹

濟生方

治產後血入衣中脹滿衝心久而不下或

去血過多肺氣喘促謂之孤陽絕陰亦難治之證宜急取鞋底炙熱小腹上下熨之次進此藥

附子

炮去皮臍半兩

牡丹皮

去心

乾漆

炒令烟盡各一兩

右為末用酸醋一升大黃末一兩同熬成膏和藥丸

如梧桐子大每服五十丸溫酒送下

花藥石散治產後胎衣不下極有神效

方見跌撲門

返魂丹治生產一十六證一名益母丸

野天麻

一名益母草方梗四五月節間開紫花時採花葉子陰乾半斤

木香

五錢

赤芍藥

六錢

當歸

七錢

右同為末煉蜜丸如彈子大每服一丸隨飲子下

子死腹中冷痛小便流出腹脹四肢冷爪甲青黑童便酒和勻煎沸化下○產後惡血不盡臍腹刺痛童

便和酒化下○產時面垢顏赤胎衣不下敗血自下  
如帶或橫生不順心悶欲死童便酒薄荷自然汁和  
勻化下鹽酒亦可○產後三四日起卧不得眼暗生  
花口乾煩燥心亂見鬼狂言不省人事童便酒薄荷  
汁下○產後煩渴呵欠不思飲食手足麻疼溫米飲  
下○產後浮腫氣喘小便澁咳嗽惡心口吐酸水脇  
痛要痛無力酒下○產後寒熱如瘧臍腸作痛米湯  
下桂枝湯亦可○產後中風牙關緊急半身不遂失

音不語童便和酒下○產後大便秘心煩口渴童便酒化下薄荷自然汁亦可○產後痢疾月未滿食冷物與血相擊或有積聚湯化下○產後身體百節疼痛溫米飲下○產後崩中蓋是傷酸物狀如雞肝春背悶倦糯米秦朮湯下桂枝湯下亦可產後食熱麪壅結成塊四肢無力睡後汗出不止月水不調久成骨蒸勞童便和酒下○產後嘔逆虛脹酒下○產後鼻衄口乾舌黑童便酒下○產後赤白帶下秦朮同

糯米煎湯下

黑神散

和劑方

治婦人產後惡露不盡胎衣不下血氣攻

心眩暈等證

黑豆

炒半斤

熟地黄

當歸

酒浸去蘆

肉桂

去皮

乾薑

炮

甘草

炙

芍藥

蒲黃

各四兩

濟生方除蒲黃加

附子

右為末每服二錢熱酒調下

清魂散

濟生方

治產後血暈昏不知人更宜先取乾漆或

漆器燒烟鼻中薰之頻置醋炭房內次進此藥

澤蘭葉

人參

去蘆一兩

荊芥穗

四兩

甘草

炙八錢

川芎

二兩

右為末每服二錢熱湯溫酒各半盞調勻灌下

愈風散

聖惠方

療產後中風不省人事口噤牙緊手足瘳

癰如角弓狀口吐涎沫亦治血暈四肢強直或築心

眼倒吐瀉欲死

荊芥穗

畧焙

當歸身尾

各等分

右為末每服三錢豆淋酒調下用童子小便亦可其  
効如神口噤者幹開灌之或吹鼻中皆効一方用蜜  
九或麪糊丸如梧子大每服五十丸空心米湯下

人參湯

永類  
鈴方

治產後諸虛不足發熱盜汗

人參

去  
蘆

歸身

右等分為末猪腰子一隻去膜切作片子以水三升  
糯米半合葱二莖煮米熟取清汁一盞入藥二錢煎

至八分不拘時服

黃龍湯

大全良方

治婦人寒熱頭痛嘿嘿不欲食脇下痛嘔

逆痰氣及產後傷風熱入胞室寒熱如瘧并經水適來適斷病後勞後餘熱不解

柴胡

四錢八分

黃芩

人參

甘草

各一錢八分

右作一服用水二盞煎至一盞去滓溫服不拘時服

漢防已散

大全良方

治產後風虛氣壅上攻頭面浮腫

漢防己

猪苓

枳殼

桑白皮

各兩

商陸

甘草

各七錢半

右咬咀每服八錢水一盞半生薑三片煎至八分去滓溫服無時一方空心服

參蘇飲

聖惠方

治婦人產後血入於肺面赤發腫欲死者

人參

一兩為末

蘇木

二兩槌碎

右用水二碗煮取一碗去滓調人參末隨時加減服

玉露散

大全良方

治產後乳脉不行身體壯熱疼痛頭目昏

痛大便秘滯悉能治之涼膈壓熱下乳

人參

白茯苓

甘草

各半兩

桔梗

炒

川芎

白芷

各一兩

當歸

二錢半

芍藥

七錢半

右咬咀每服四錢水一鍾半煎至七分去滓溫服食後如頭熱甚大便秘加大黃二錢半

湧泉散治因氣乳汁少

瞿麥穗

麥門冬

去心

王不留行

緊龍骨

川山甲

炮黃各等分

右為細末每服一錢熱酒調下先食豬蹄羹後服藥以木梳左右乳上梳三十餘下日三服

豬蹄湯

澹療方

治妳婦氣少力衰脉澁不行絕乳汁

豬蹄

七孔者一隻

通草

五兩

右將豬蹄淨洗依食法事治次用水一斗同通草浸煮得四五升取汁飲之

歌曰

婦人吹乳意如何

皂角燒灰蛤粉和

熱酒一盃調八字

須臾揉散笑呵呵

理中湯

方見中寒門

蘇合香圓

方見咳嗽門

四物湯

方見調經類

論崩中帶下

下部出血不止謂之崩中穢液常流謂之帶下崩中失血多因衝任虛損榮道受傷得之冷帶雜下多因下焦

不固內挾風冷得之是固然爾然崩中者投以當歸川  
芎香附諸黑藥之屬血暫止而終不止帶下者投以熟  
艾餘糧母蠣海螵蛸之類帶暫歇而終不歇其故何哉  
經曰衛氣者所以溫分肉充皮膚肥腠理司開闔衛氣  
若虛則分肉不溫皮膚不充腠理不肥而開闔失其司  
耳況胃為血海水液會焉胃者中央之土又所以主肌  
肉而約血水也衛氣與胃氣俱虛則肌弱而膚空血之  
與水不能約制是以涓涓漏卮休作無時而不暫停矣

然則封之止之其可不加意於固衛厚脾之劑乎此桂

枝附子湯以之固衛

見活人書

而人參白朮茯苓草果丁香

木香以之厚脾二者俱不可闕也○雖然酒家嗜好炙

燒亦有協熱而下血者此則黃連圓輩所不可無肺經

脈微亦主帶下此則草果白朮雖可燥水亦須以阿膠

佐之若夫帶之為患出於風冷停宿官桂乾薑細辛白

芷先與散其寒邪然後為之封固所貴擇之精而用之

審云○一應婦人小產及諸下血新瘥未得經久遽觸

房事皆作崩中漏下二帶之疾又有月事久閉纔得一  
通下部為風邪所搏致使敗瘀出而未盡亦作崩中漏  
下黃水或粉紅滲漏無時其崩中下血不止者震靈丹  
三粒陳米并香附煎湯食前送下又方人參白朮炮乾  
薑炒甘草製半夏縮砂香附木香等分薑棗煎服又方  
圓白半夏剉碎以薑汁和麵捏餅包裹炙令香熟去麵  
取半夏末之糯米稀糊圓麻子大每服伍十圓芎歸湯  
沉香降氣湯各半食空送下此皆止血之聖藥

附諸方

膠艾湯

和劑方

治勞傷血氣衝任虛損月水過多淋瀝不

斷及妊娠調攝失宜胎氣不安或因損動漏血傷胎  
並宜服之

阿膠

芎藭

甘草

炙各二兩

當歸

艾葉

炒各二兩

熟乾地黄

白芍藥

各四兩

右咬咀每服三錢水一盞酒半鍾煎八分熟服

當歸芍藥湯

東垣方

治婦人經脉漏下不止其色鮮紅飲

食減

黃耆

橘皮

熟地黄

各半錢

蒼朮

白朮

當歸

白芍藥

各一錢

炙甘草

柴胡

生地黄

各二分

右㕮咀煎服空心食前

柴胡調經湯

試効方

治經水不止鮮紅項筋急腦痛脊骨

強痛不思飲食

羌活

蒼朮

錢各一

獨活

藁本

升麻

錢各半

柴胡

分七

乾葛

當歸

甘草

分各三

紅花

許少

右咬咀水煎去滓空心稍熱服取微汗立止

艾煎圓治崩傷淋瀝不已小腹滿痛常服益榮調經

吳茱萸

湯炮

當歸

錢各七半

熟地黃

白芍藥

各一兩半

石菖蒲

炒

川芎

人參

熟艾

四兩熟米飲調作餅子

右為末酒糊為丸如梧桐子大每服五十丸酒飲任

下

鹿茸丸

大全良方

治衝任虛損以致經候過多又為風冷所

乘尺脉微細甚者可灸關元百壯

鹿茸

火去毛醋炙煮

赤石脂

禹餘糧

各一兩

艾葉

栢葉

附子

培去皮臍各半兩

熟地黄

酒洗

當歸

酒浸

續斷

各二兩

右為末酒糊為丸如梧桐子大每服五十丸空心溫

酒下

涼血地黄湯

拔萃方

治婦人血崩是腎水真陰不能鎮守

包絡相火故血走而崩也

生地

當歸

各五分

黃連

黃栢

知母

藁本

川芎

升麻

各二分

柴胡

羌活

防風

各三錢

黃芩

甘草

炙

細辛

荊芥

蔓荊子

各一分

紅花

少許

右咬咀水煎通口服食前

一方治婦人血崩不止

槐花

一兩

棕毛灰

五錢

右為末水一鍾鹽少許煎七分去滓溫服

一方

大全良方

用棕白礬煨為末酒調二錢服

帶下方

暖宮妙丸治婦人赤白帶下

艾葉

龍骨

當歸

川芎

牡蠣

白芍藥

牡丹皮

茯苓

赤石脂

熟地黄

各等分

右為末麵糊為丸梧桐子大服五十九空心艾醋湯

下

白芷散

大全良方

治婦人赤白帶下

白芷

一兩

海螵蛸

二箇燒

胎髮

一箇燒

右為末空心酒調服二錢

當歸煎

濟生方

治婦人赤白帶下腹內疼痛不欲飲食日

漸羸瘦

當歸

酒洗

赤芍藥

牡蠣

火燉取粉

熟地

酒洗蒸焙

阿膠

白芍藥

續斷

酒浸各一兩

地榆

半兩

右為末醋糊丸如梧桐子大每服五十丸空心米飲

下

一方

丹溪方

治白帶因七情所傷而脉數者

黃連

炒

匾栢

酒蒸

黃栢

炒各半兩

香附

醋炒

白芍藥

白朮

各一兩

椿根皮

二兩炒

白芷

燒存性三錢

右為末粥糊丸梧子大每服五十丸食前米飲下

伏龍肝散治婦人五色帶下

伏龍肝

即吐心土

麥門冬

去心

赤石脂

各一兩

甘草

肉桂

各五錢

川芎

三兩

艾葉

熟地黄

各二兩

乾薑

燒七錢

當歸頭

七錢半

右咬咀水棗煎服或作末子米飲調下

一方

丹溪方

治婦人有孕白帶

蒼朮

三錢

白芷

二錢

黃連

炒二錢

黃芩

錢炒二

白芍藥

山茱

錢各二半

椿根皮

炒

黃栢

炒各一半

右為末糊丸空心溫酒下

一方

丹溪方

治白帶兼風痛

半夏

茯苓

川芎

陳皮

甘草

蒼朮

黃栢

酒炒

南星

牛膝

各等分

右咬咀水薑煎服

一方治婦人白帶

龜板

炙

枳子

各二兩

黃栢

炒一兩

白芍藥

七錢半

香附

半兩

乾薑

炒二錢半

山茱萸

苦參

椿根皮

貝母

各半兩

右為末酒糊丸梧子大每服五十九空心米飲下

一方治白帶或時腹痛

龜板

酒炙二兩

黃栢

炒兩兩

乾薑

炒一錢

枳子

二錢  
半

右為末酒糊丸梧子大每服七十九日服二次

桂枝附子湯

方見傷寒門

黃連丸

方見痢門

芎歸湯

方見痔類

沉香降氣湯

方見諸氣門

血

附諸血

血論

人其此陰陽即有此血氣氣陽也血陰也男以陽為主  
則陽勝乎陰女以陰為主則陰勝乎陽氣血之為病男  
女則同耳人皆知百病生於氣又孰知血為百病之胎  
乎血猶水也水行乎地中百川理則無壅遏之患人之  
血脉一或凝滯於經絡腸胃之間百病由此而根矣乍  
寒乍熱發黃發斑譫妄驚狂煩悶嘔惡癡疾自汗開熱  
虛勞尿淋漏崩吐衄咳唾以至眩運厥冷昏遺迷忘塊  
痛癢疼起止遺溺凡此數證非血而何經所謂先去其

血然後調之良有以也夫血得寒則閉澁得熱則宣流  
榮氣虛竭風冷交侵固易為虛勞月閉之證其若出血  
等類大抵多因蓄熱致之榮道一開解血亦為之不禁  
矣川芎當歸血中上藥也出血諸證每每以胃藥收功  
蓋心主血肝藏血胃者又所以生其血而能使真氣歸  
元故其血自止經又云乎血隨氣行氣逆則血逆於此  
尤當加意

血疾證治

血崩芎歸湯加南木香下震靈丹

血崩帶下膠艾湯以海螵蛸炙黃刮碎和入同煎吞產  
寶固經圓并局方澤蘭丸

血氣虛損腰腹疼痛當歸建中湯加南木香若自汗則  
去木香加人參白朮

嗽血咯血局方大阿膠圓加木香末少許畧煎食後服

肺熱嗽血金沸草散

方見咳  
嗽類

加桑白皮天門冬去心同

煎乘熱調大阿膠圓服

霍亂吐瀉瀉血不止正料治中湯

方見諸氣類

大便秘下血芎歸湯加炒槐花

口舌出血槐花日乾為末傳之

血遇熱則宣流故止血多用涼藥然亦有氣虛挾寒陰陽不相為守榮氣虛散血亦錯行所謂陽虛陰必走是爾外證必有虛冷之狀法當溫中使血自歸於經絡可用理中湯加南木香或局方七氣湯

方見諸氣類

加川芎或

甘草乾薑湯其效甚著又有飲食傷胃或胃虛不能傳

化其氣逆上亦令吐血木香理中湯甘草乾薑湯通用  
五丹圓治虛極而壅氣不歸元衄血喘嗽痰作來復丹  
黑錫丹震靈丹金液丹各一貼養正丹二貼右件別研  
細末米糊圓桐子大每服三十圓空心生料理中湯加  
木香送下或沸湯調蘇合香圓下

方見諸  
氣類

出血諸證每以胃藥收功用木香理中湯或參苓白朮  
散二分枳殼散一分

方見諸  
氣類

夾和米湯乘熱調下或真

方四君子湯夾和小烏沉湯米湯調下已上並用薑棗

畧煎亦得右藥不惟養胃蓋以調氣輩與之並行若夫

桔梗枳殼湯

方見諸氣類

夾和二陳湯

方見諸氣類

薑棗同煎入

蘇合香圓少許佐之又調氣之上藥也

蘇沒沉麝丸治諸血諸氣痛不可忍

血竭

沒藥

沉香

辰砂

各一分

木香

麝香

各半分

右生為末磁器熬生甘草膏丸如皂子大每一丸薑鹽湯嚼下產後血痛氣痛並主之亦治脾痛

桂香丸治月事不調心腹刺痛寒熱間作

當歸鬚

川芎

赤芍藥

牡丹皮

南木香

細辛

辣桂

並日乾

延胡索

畧炒

乳香

沒藥

等分

右煮米醋將乳香沒藥為膏餘藥末之揉和為丸桐子大每服七十九續斷煎湯送下有熱多加生槐花煎湯

調榮湯治瘀血不消臍腹引腰背俱痛

川芎

當歸

芍藥

生乾地黄

三稜

莪朮

白芷

延胡索

蒲黃

香附子

澤蘭

細辛

川白蘆

厚朴

製

桃仁

浸去皮焙各二分

辣桂

半夏

製

甘草

炙各三分

右剉散每服三錢蘆棗煎食服

縮砂湯治胎動腹脇腰痛或忍痛失氣胎又不動或血水間下

縮砂

桑寄生

各半兩

當歸

川芎

艾葉

炒

阿膠

炒酥各三錢

南木香

甘草

炙各二錢

右剉散每服三錢薑五片棗兩枚煎服下水水者更以真料理中湯加縮砂佐之

交濟散治血結作痛

生地黄

生取半斤

生薑

四兩各洗淨同拌治留一夕焙乾

右末每服二錢溫酒調下或男女血熱心煩或產後

傷風則以荊芥煎湯調下

小柴胡湯男女諸熱出血血熱蘊隆

柴胡

二兩

黃芩

人參

甘草

炙各七錢半

半夏

製六錢一字

右剉散每服三錢薑五片棗二箇烏梅一箇煎服

桃仁承氣湯治男女下焦蓄血小腹急痛内外有熱大

便秘結

大黃

半兩

桂枝

甘草

炙各二錢半

桃仁

浸去皮炒

芒硝

別下各一錢半

右剉散分作三服每煎至臨熟入芒硝半錢再煎沸溫服以通利為度

甘草乾薑湯男女諸虛出血胃寒不能引氣歸元無以收約其血

甘草

炙

川白薑

炮各等分

右判散每服三錢食前煎服

加減四物湯治血氣不足肢體乏力或瘀血腹痛或下血過多

當歸

川芎

白芍藥

乾薑

炒各半兩

南木香

甘草

炒各二錢半

右判散每服三錢食前煎服若腹不痛則無瘀血更加人參又能益血

半夏丸治吐血下血崩中帶下喘急痰嘔中滿虛腫亦

消宿瘀百病通用

圓白半夏

刮淨挺扁以生薑汁調和飛白麴作軟餅包拚半夏慢火炙令色黃去麴取半夏為末

右末米糊丸菴豆大日乾每三四十圓溫熟水下

黑散子諸竅出血並主之

隔年蓮蓬

敗棕蘭

頭髮

並燒存性等分

右為末每服二錢煎南木香湯調下或只用棕蘭燒

灰米湯調下亦可

茅蘇湯治吐血衄血

茅花

三錢

紫蘇莖葉

二錢

右散新汲水一椀煎七分乘熱調生蒲黃二錢旋服仍  
以大蒜兩顆煨熟搥扁貼兩腳心少頃自覺胃中  
有蒜氣其血立止若下部出血可以煨蒜傳兩掌心  
豆蘇湯治上焦有熱咯血瘀血煩悶燥渴

黑豆

三合

紫蘇莖葉

二條

烏梅

兩箇

右水大椀同煎臨熟入薑汁三大匙食後旋服  
阿膠散治肺破嗽血唾血

人參

茯苓

生乾地黃

天門冬

水浸去心

北五味子

各一分

阿膠

炒酥

白及

各二錢

右白及別為末餘藥剉散每服三錢水大盞入蜜二大匙秫米百粒薑五片同煎臨熟入白及少許食後服地黃煎治肺損吐血嗽血

生地黃

四兩取汁

鹿角膠

一兩搗碎炒黃

右為末拌和每服三錢童子小便一盞煖熱入薑汁

少許調下無鹿膠則以透明阿膠炒酥代用

薏苡湯治肺癰唾吐膿血

薏苡

合二

黑豆

粒百

烏梅

一箇

右水二盞煎一盞入透明阿膠生蒲黃各一錢再煎  
沸食後服

艾薑湯治大便下膿血

艾葉

握一

黑豆

粒百

右新水一大盞煎六分入生薑汁三大匙稍熱服

又方

黃連

一錢

南木香

一錢

右剉細慢火煎食前服

蒜連丸治諸血妄行

黃連

日乾為末

獨頭蒜

一顆煨熟取肉研細

右入米醋此子搗和為圓桐子大日乾每三四十圓

陳米飲下

人參湯治吐血咯血

新羅人參慢火煎服

又方

人參

川芎

茯苓

半夏

製各三分

甘草

炒一分

右剉每服三錢薑五片煎服

蘿蔔飲治諸熱吐血衄血

生蘿蔔取汁半盞入白鹽少許服之立效如無生蘿蔔只用蘿蔔子一分微炒紫蘇莖葉半分剉散用煎亦效

血餘散治吐血衄血

頭髮燒存性

右研細每服二錢米湯調下衄者更以少許吹入鼻  
小便出血則小腸氣秘氣秘則小便難其痛者謂之淋  
不痛者謂之尿血

頭髮燒存性為末新汲水調下妙

又方

車前子但曬乾為末每二錢以車前子葉煎湯調

下

又方

海金砂為細末新汲水調下五淋散夾五苓散竹  
圍尿管門冬草燈心葱頭煎湯調下

法製香附方治諸下血

大香附

杵去毛皮以童子小便浸一日夜  
日乾截碎又用米醋煎過焙乾

右為末每二錢米湯調下治冷帶用炒艾葉煎湯調

下

又方

淨香附酒醋各半煮透焙

右為末黃秫米糊圓桐子大每四五十丸米湯下

又方治血下帶下

香附

料去皮二分童尿浸一日夜

艾葉

三分米醋煮透晒焙

右為末秫米糊圓桐子大每五六十丸艾醋湯或醋

湯下

燒鹽酒治血閉腹痛產後瘀血腹痛

新布數重包裹白鹽一合炭火燒存性

右研細末溫酒調下新布即青麻也能逐瘀血

桂枝酒治打撲傷墜瘀血溷悶身體疼痛

辣桂

右為末每二錢溫酒調下或用辣桂一分大黃當歸各半分每三錢生薑紫蘇煎服取下黑物即安或未  
有藥倉卒且服米醋一小盞亦散瘀血

朱砂丸治打撲驚忤血入心竅不能語言

朱砂為細末

右以雄豬心生血和圓麻子大日乾每服七圓石菖蒲煎湯下棗湯亦可

咯血方

天門冬

去心

青黛

晒乾各四錢

生蒲黃

川薑黃

油髮灰

各錢

右末煉蜜丸桐子大每五十九入松陽柿中濕紙包煨香候冷桑白皮煎湯臨卧嚼下柿能戀肺咯血屬

肺嘔血屬脾

九竅出血方

荊芥酒煎通口服

又方暴驚風九竅血其脈虛者

靈砂百粒分三次人參煎湯下

此證不可錯認血得熱則宣流妄用

涼藥誤矣

又方治傷寒嘔血繼而齒縫皆流血不止

開口川椒四十九粒

右用法醋大盞同煎臨熟入白礬少許漱口含在口中少頃吐出再吸漱而含

和劑芎歸湯治諸血作痛血暈沉迷血澁難產一切出血過多

川芎

當歸 等分

右為粗散每服三錢水盞半取一盞稍熟服不拘時加縮砂治胎動腹痛漏血又名芎藭湯

膠艾湯治勞傷血氣月水過多淋瀝漏下連日不斷臍

腹疼痛經血淋瀝不斷

熟乾地黄

白芍藥

各四兩

當歸

去蘆頭

艾葉

微炒各三錢

阿膠

搗碎炒令黃燥

芎藭

甘草

炙各二兩

右為粗末每服三錢水一盞酒六分煎至八分去滓  
熱服空心食前日三服病甚者連夜併服

產寶固經丸

赤石脂

煨

艾葉

補骨脂

炒

木賊

各半  
兩

附子

炮一  
枝

右末陳米飲和丸梧桐子大每服五十九食前溫酒

送下

澤蘭丸治氣血不調肢體瘦弱

熟乾地黃

一兩  
半

澤蘭

去大  
枝梗

人參

去蘆  
頭

黃耆

去蘆  
頭剉

牛膝

去蘆酒浸  
一宿焙

赤石脂

各一  
兩

白茯苓

去  
皮

木香

草薢

酒浸一  
宿剉

附子

炮去  
皮臍

續斷

各三  
分

乾薑

炮

肉桂

去粗皮

芎藭

白朮

當歸

去蘆酒浸一宿剉碎微炒

甘草

炙微赤各半兩

右為末煉蜜丸如梧桐子大每服三十圓溫米飲下  
空心食前產一百日內每日常服壯氣益血

當歸建中湯治婦人一切血氣虛損

方見虛汗門

和劑大阿膠丸

方見咳嗽門

理中湯治胃腸逆冷心腹疼痛

方見泄瀉門

和劑來復丹配類陰陽扶虛補損治心腹冷痛小兒慢

驚風或吐利不止變成虛風搐搦者非風也胃氣欲  
絕故也用五粒研碎米飲送下老人伏暑迷悶紫蘇  
湯下婦人產後血逆上搶悶絕并惡露下上及赤白  
帶下並用醋湯下常服和陰陽益精神散腎陰濕止  
腹脇冷疼應諸疾不辨陰陽證並宜服之

方見暑門

震靈丹

方見濕門

和劑黑錫丹升降陰陽暖脾補腎氣衝胃腹膨脹刺痛

方見痼冷門

和劑金液丹固其氣治衄血

方見脾胃類

養正丹治婦人血氣帶下腹痛助陽接真升降陰陽

方見

痢冷門

小烏沉湯調中快氣治心腹刺痛

烏藥

一兩去心

香附子

沙盆內浙去皮毛焙乾秤二兩

甘草

一分

右為細末每服一錢鹽少許

或不著鹽

沸湯點不拘時

參苓白朮散

方見虛勞門

附諸血

諸血方論

內經曰大怒則形氣絕而血菀於上又曰怒則氣逆甚則吐血又曰陽明厥逆喘咳身熱善驚衄吐血又曰濕淫汗出為軌衄又曰脾移熱於肝則為驚衄胞移熱於膀胱則癰而溺血又曰結陰者便血一升再結二升三結三升劉宗厚曰經云榮者水穀之精也和調五臟洒陳於六腑乃能入於脈也源源而來生化於脾總統於

心藏受於肝宣布於肺施泄於腎灌溉一身目得之而能視耳得之而能聽手得之而能攝掌得之而能握足得之而能步臟得之而能液腑得之而能氣是以出入升降濡潤宣通者由此使然也注之於脈少則瀉充則實常以飲食日滋故能陽生陰長取汁變化而赤為血也生化旺則諸經恃此而長養衰耗竭則百脈由此而空虛可不知謹養哉故經曰一息不運則機絨窮一毫不續則穹壤判若夫失於調護者或暴喜傷心暴怒傷

肝勞役太過飲酒墜墮積熱三焦以致陰火沸騰血從  
火起故錯經妄行而出諸竅是以從肺而上溢於鼻者  
曰衄血從胃而上溢於口者曰嘔血咯血唾血者出於  
腎也咳血嗽血出者出於肺也痰中帶血絲而出者或  
從腎或從肺來也又有血從毛孔出者曰肌衄血從齒  
出者曰牙宣其血出於小便來者曰溺血曰血淋出於  
大便者曰腸風痔血糞前來者曰近血糞後來者曰遠  
血流結於腸胃之間而成積者曰血瘕血蟻大抵血從

下流者為順易治血從上溢者為逆難治丹溪曰口鼻  
出血皆是陽盛陰虛有升無降血隨氣上而出上竅法  
當補陰抑陽氣降則血歸經矣夫治血必血屬之藥欲  
求血藥其四物之謂乎河間謂隨證輔佐謂之大合湯  
者詳言之矣余故陳其氣味專司之要不可不察如川  
芎血中氣藥也通肝經性味辛散能行血滯於氣也地  
黃血中血藥也通腎經性味甘寒能生真陰之虛也當  
歸分三治血中主藥也通肝經性味辛溫全用能活血

各歸其經也芍藥陰分藥也通脾經性味酸寒能和血  
治虛腹痛也若求陰藥之屬必於此而取則焉脾胃論  
有云若善治者隨證損益摘其一二味之所宜為主治  
可也此特論血病而求其血藥之屬者也若氣虛血弱  
又當從長沙血虛以人參補之陽旺則生陰血也若四  
物者獨能主血分受傷為氣不虛也輔佐之屬若桃仁  
紅花蘇木血竭牡丹皮者血滯所宜蒲黃阿膠地榆百  
草霜棕櫚灰者血崩所宜乳香沒藥五靈脂凌霄花者

血痛所宜肉蓯蓉瑣陽牛膝枸杞子益母草夏枯草敗  
龜板者血虛所宜乳酪血液之物血燥所宜乾薑桂者  
血寒所宜生地苦參血熱所宜特取其證治大畧耳夫  
人生之血賴氣升降氣升則升氣降則降氣逆則逆氣  
和則和氣濁則亂如此失血豈不皆由氣濁遇熱妄行  
之所致也大抵治血莫先清氣氣清則血和氣濁則血  
亂斯言信矣大凡失血當先辨其血出何經當用此經  
清氣之藥然後涼血審其虛實調治之東垣云傷寒家

衄血者仲景言不可發汗蓋為脈微也若浮緊者麻黃湯浮緩者桂枝湯脈已微者二藥俱不可用宜黃芩芍藥湯主之經曰諸見血身熱脈大者難治是火邪勝也身涼脈靜者易治是正氣復也故脈訣云鼻衄吐血沉細宜忽然脈大即傾危此之謂也

犀角地黄湯治傷寒汗下不解鬱於經絡隨氣湧泄為衄血或溝道閉塞流入胃腹吐出血如鼻衄吐血不盡餘血停留致面色痿黃大便黑者更宜服之

方見

聲音  
門

木香理中湯甘草乾薑湯治男婦飲食傷胃虛寒嘔吐

衄血

小柴胡湯茅蘇湯人參湯蘿蔔湯血餘散治諸嘔吐血

俱見前  
氣血門

三黃補血湯治初見血及血多宜服

熟地

錢一

生地

分五

當歸

川芎

各七分半

柴胡

黃耆

牡丹皮

各五分

升麻

芍藥

二錢

右以水煎服血不止可加桃仁五分酒大黃斟酌虛實用之內却去柴胡升麻

人參飲子治脾胃虛弱氣促氣弱精神短少衄血吐血

人參

去蘆三分

黃耆

一錢

五味子

五箇

白芍藥

甘草

各一錢

當歸身

三分

麥門冬

二分

右件為粗散分作二服每服水一盞八分煎至一盞

去滓稍熱服

麥門冬飲子

拔粹方

治脾胃虛弱氣促氣弱精神短少血

血吐血

方見內傷門

歸脾湯治思慮傷脾不能統攝心血以致反行或吐血

下血

方見驚悸門

是齋白朮散

簡易方

治積熱吐血咳血若因飲食過度負

重有傷脾胃而吐血者最宜服之惟忌食熱麵煎燂

一切發風之物

白朮

二兩

人參

去蘆

白茯苓

去皮

黃耆

蜜浸各一兩

山藥

百合

去心各七錢半

甘草

炙半兩

柴胡

前胡

各二錢半

右咬咀每服三錢水一鍾薑三片棗一枚煎六分溫服

黃連解毒湯三黃丸治積熱吐血咽膈不利

並見火門

龍腦雞蘇丸治膈熱咳嗽或吐血衄血

方見積熱門

茯苓補心湯治心虛為邪氣所傷吐血

方見虛勞門

四生圓

良方

治吐血衄血陽盛於陰血熱妄行

生荷葉

生艾葉

生栢葉

生地黄

各等分

右研爛丸如雞子大每服一九水三鍾煎至一鍾濾

過溫服

藕汁散

濟生方

治吐血不止

生藕汁

生地黄汁

大薊汁

各三合

生蜜

半匙

右件藥汁調和令勻每服一小鍾不拘時候

雙荷散

聖惠方

治卒暴吐血

藕節

七箇

荷葉頂

七箇

右同蜜搗細水二鍾煎八分去滓溫服或研末蜜調

下

枇杷葉散治暑毒攻心嘔吐鮮血

方見中暑門

側柏散治內損吐血下血因酒太過勞傷於內血氣妄

行其血如湧泉口鼻皆流湏臾不救服此即安又治

男子婦人九竅出血

人參

去蘆

荊芥穗

燒灰各一兩

側柏葉

蒸乾一兩五錢

右為末每服三錢入飛羅麵三錢拌和汲水調粘相似啜服

一方治飲酒過多蘊熱胸膈以致吐血衄血

葛花

二兩

黃連

四兩

右為末以大黄末熬膏子丸如梧桐子大每服一百丸溫湯下或煎服亦可

衄血

丹溪云涼血行血為主大抵與吐血同

犀角地黄湯入鬱金黃芩升麻煎服

金液丹

和劑方

固真氣治衄血

方見氣血門

生地黄散

河間方

治鬱熱衄血或咯吐血皆治之

枸杞

柴胡

黃連

地骨

白芍

甘草

天門冬

黃芩

黃耆

生地

熟地

各分

右咬咀水煎服若下血加地榆

茜根散黃芩芍藥湯治鼻衄不止

方並見鼻門

鼻通於腦血上溢於腦所以從鼻而出凡鼻衄並以  
茅花調止衄散時進折二汧仍令以麻油滴於鼻或  
以蘿蔔汁滴入亦可又茅花白芍藥對半尤好外迎  
法以井花水濕紙頂上貼之左鼻衄以線扎左手中  
指右出扎右手中指俱出兩手俱扎或炒黑蒲黃吹

鼻中或龍骨末亦可

止衄散

黃耆

六錢

赤茯苓

白芍藥

當歸

生芩

阿膠

各三錢

右為末每服二錢食黃耆湯調下

麥門冬飲治鼻衄川芎三黃散治實熱衄血

並見鼻門

清肺飲

試効方

治衄血吐血久不愈者

五味子

十箇

麥門冬

當歸身

人參

生地黄

各五分

黃耆

二錢

右咬咀作一服水二鍾煎至一鍾去滓食後溫服用  
三稜針氣衝出血立愈

一方治鼻衄不止

用茅花塞鼻中外用茅花濃煎湯服

咯唾血

咯唾血者由於腎也又有瘀血內積肺氣壅遏不能下  
降用天門冬麥門冬知母貝母桔梗黃栢熟地黄遠志

百部或加乾薑丹溪云痰帶血絲出者用薑汁青黛童便竹瀝入血藥中用如四物湯加地黃膏牛膝膏之類主之

阿膠圓治肺破嗽血唾血

方見前氣血門

一方治痰中見血

牡丹皮

白朮

各一錢五分

當歸

芍藥

桃仁

研

貝母

各一錢

山梔

炒黑

黃芩

各八分

桔梗

七分

甘草

三分

青皮

五分

右以水煎服

又方治痰中血

牡丹皮

白朮

各一錢五分

貝母

芍藥

桑白皮

桃仁

研各一錢

甘草

三分

山梔

炒黑一錢一分

右以水煎服

又方治痰中血

橘紅

二錢

五味

十五箇

甘草

三分

人參

五分

半夏

茯苓

白朮

枳殼

桑白皮

黃芩

各一錢

右以水一鍾薑三片煎服或加青黛二錢

雞蘇散

濟生方

治勞傷肺經唾內有血咽喉不利

雞蘇葉

黃耆

生地黄

洗淨

阿膠

貝母

去心

白茅根

各一兩

麥門冬

去心

桔梗

去蘆

甘草

炙各五錢

右咬咀每服四錢水一鍾薑三片煎七分溫服

黃連阿膠丸

濟生方

治勞嗽血唾血

方見咳門

咳嗽血

丹溪云火升痰盛身熱多是血虛用青黛瓜萸仁訶子貝母海石山梔子為末蜜同薑汁丸噲化嗽盛者加杏仁後以八物湯加減調理痰盛者更加痰藥主之

大阿膠丸

局方

治嗽血咯血金沸草散治肺熱嗽血

並見咳

門

茯苓補心湯治心氣虛耗不能藏血以致面色黃瘁五  
心煩熱咳嗽唾血及婦人懷妊惡阻嘔吐亦宜治之

方見虛  
勞門

人參芎歸湯治虛勞少血津液內耗心火自炎燥熱乘

肺咳嗽咯血及血不榮肌動輒毛寒咳嗽

方見咳  
嗽門

雞蘇圓

拔粹  
方

治虛熱昏冒倦怠下虛上壅嗽血衄血

黃耆

防風

荊芥

各一  
兩

雞蘇葉

八兩即金錢薄荷

桔梗

川芎

甘草

菊花

生地黄

各半兩

片腦

五分

右為末煉蜜丸如彈子大每服一丸用麥門冬去心煎湯送下

牙宣血

戴氏曰牙宣有二證有風壅牙宣有腎虛牙宣風壅牙宣消風散擦之仍服腎虛牙宣以腎主骨牙者骨之餘

虛而上炎故宣服涼劑而愈甚者此屬腎經下虛上盛  
宜鹽湯下安腎丸間黑錫丹仍用薑鹽炒香附黑色為  
末揩擦其妙不可言也

消風散

方見傷風門

安腎丸

方見水飲門

黑錫丹

方見癰冷門

肌衄

巢氏曰肝藏血心之液為汗言肝心俱傷於邪故血從  
膚腠而出也名曰肌衄

一方治肌衄

用男胎髮燒灰盒之立效

溺血

巢氏云心主於血與小腸合若心家有熱結於小腸故小便血也血虛者四物湯加牛膝膏實者當歸承氣湯下之

琥珀散治尿血增味導赤散治血淋尿血瞿麥湯薑蜜

湯五苓散並治小便尿血

方並見諸淋門

小蘗飲子治下焦結熱血淋尿血

生苧

小蘗

滑石

通草

淡竹葉

蒲黃炒

藕節

當歸酒浸

梔子炒

甘草

炙各半兩

右用水煎空心服

當歸承氣湯

當歸

厚朴

枳實

大黃

芒硝

右剉水煎

便血

大便下血者皆由五臟傷損所為臟氣既傷則風邪易入積熱在內而大便下血治宜四物湯加炒山梔升麻秦艽阿膠虛者加乾薑溫散之

法製香附方治諸下血

方見氣血門

黃連香薷飲治伏暑純

下鮮血

方見暑門

敗毒散治風熱流入大腸經下血不止

方見

中寒門

胃風湯治風濕乘虛入於腸胃或下瘀血

方見痢門

當歸和血散治腸癖下血濕毒下血

槐花

青皮

各六錢

當歸身

升麻

各二錢

荊芥穗

熟地黃

白朮

各六分

川芎

四分

右為末每服二三錢清米飲調下

一方治中毒下血

用蝟皮燒存性研細每服二錢水調下日進三服  
腸風下血方別有腸風門類故不載矣

拾遺

腋氣方

明白礬 黃丹入麝少許末之傅

又方

白礬研飛過臨卧以紙襯棹上伸手托壁柱以礬擦腋下令熱痛即換衣着舊衣用灰汁洗

又方

好綠礬半生半煨為細末入少輕粉研細每半錢

匕浴後以生薑汁調擦候十分熱痛即止

又方治腋下遺臭不可向邇

大蜘蛛一箇以黃泥入少赤石脂并鹽杵為窠子  
納裏蜘蛛燒令通紅候冷取蜘蛛研細入輕粉一  
字米醋調膏臨卧浴淨傳之腋下來早瀉黑汁惡  
物為効埋之僻處

又方夜明砂為末用豉汁調傳

跌破出血方烏賊魚骨細末傳亦治湯火傷爛

頭破傷風方大南星末水調塗四圍水出為効

失欠頰骨差方恣酒令醉通關散入鼻嚏即止

脚筋冷縮頑痺方大川椒

去肉二分  
炒出汗

辣桂

川白薑

華陰細辛

各一分

右為末酒麪糊圓桐子大每七十圓食前溫酒下

附諸雜方

體氣方

田螺散治體氣

患此疾者因  
內有油濕是

用大田螺一枚水中養之俟靨開以巴豆一粒去殼將針挑巴豆放在內取去拭乾仰頓盞內夏月一宿冬月五七宿自然成水取搽腋下絕根

一方先用臘脂搽腋下其出狐臭之處黃色就將前說巴豆田螺去靨掩於狐臭之上絹帛勒緊其狐臭從大便出則絕根矣

一方

用熟蒸餅一箇擘開作兩邊摻蜜陀僧細末一錢急

夾在腋下畧睡少時候冷熱之除根

附倒倉法

倒倉法治癰勞蠱癩等證推陳致新扶虛補損可吐可下用黃色肥牯牛腿精肉二十斤或十五斤順取長流急水於大鍋內煮候水乾少再添湯不可用冷水以肉爛成粥為度濾去滓用肉湯再熬如琥珀色隔宿不喫晚飯大便秘者隔宿進神芎丸不秘者不用五更於密室不通風處溫服一鍾伺隔間藥行又續續服至七八鍾

病人不欲服強再與之必身體皮毛皆痛方見吐下寒  
月則重湯溫之病在上欲吐多者須緊服又不可太緊  
恐其不納病在下欲利多者須踈服又不可太踈恐其  
不達臨時消息大抵先見下方可使吐須極吐下同其  
上下積俱出盡在大便中見如胡桃肉狀無臭氣則止  
吐利後或渴不得與湯其小便必長取以飲病者名曰  
輪迴酒與一二椀非惟可以止渴抑亦可以滌盪餘垢  
睡一二日覺飢甚乃與粥淡食之待三日後始與少菜

羹自養半月覺精神煥發形體輕健沉痾悉安矣大概  
中間飲至七八鍾時藥力經涉經絡骨節搜逐宿垢正  
邪寧不牴牾悉有急悶似痛非痛自然惡況此皆好消  
息邪不能勝正將就擒耳尤須寧耐忍受又於欲吐未  
吐欲泄未泄交作皆有惱聒意思皆須歡喜樂受一以  
靜處之此等有大半日景象不先說知使方寸瞭然鮮  
有不張皇者矣未行此法前一月不可近婦人已行此  
法半年不可近婦人五年不可喫牛肉性急好淫不守

禁忌者皆不可行此法倒倉全在初起三鍾慢飲最緊要能行經隧中去丹溪曰腸胃為市以其無物不有而穀為最多故曰倉倉積穀之室也倒者傾去積垢而滌濯使之潔淨也經曰胃為受盛之官故五味入口即入於胃留毒不散積聚既久致傷冲和諸病生焉今用黃牯牛肉其義至矣夫牛坤土也黃土之色也以順為德而効法乎健以為功者壯之用也肉者胃之藥也熟而為液無形之物也橫散入肉絡由腸胃而滲透肌膚毛

竅爪甲無不入也積聚久則形質成依附腸胃回薄曲折處以為栖泊之窠回阻礙津液氣血重蒸燔灼成病自非剖腸刮骨之神妙孰能去之又豈合勺銖兩之丸散所能窺犯其藩牆戶牖乎夫牛肉全重厚和順之性潤枯澤槁豈有損也其方出於西域之異人人於中年後行一二次亦却疾養壽之一助也

附取吐方

獨聖散治中風痰迷心竅癰狂煩亂人事昏沉痰涎壅

盛及治五癰心風等證

瓜蒂

不拘多少

右為細末每服一錢以蘤汁調下

四靈散治證同前

瓜蒂

一錢

人參蘤

二錢

赤小豆

甘草

各一錢半

右為細末每服一二錢或少至半錢量情與之食後

蘤汁調下

四玄散治證同前

綠礬

赤小豆

猪牙皂角

不蛀者去皮弦炙

明礬

二錢

葱管藜蘆

五錢

右為細末每服半錢或一二錢漿水調下如牙關緊閉幹開灌之

魚骨鯁方

魚骨鯁用砂糖白炭皮末紫蘇葉滑石末和丸含口中津液嚥下骨白隨下

一方治魚刺骨鯁在喉內

用山查樹獨根向下者與玉簪花根同搗取自然汁  
用匙或竹筒盛汁送入口內不可着牙着牙皆化累  
驗

附自縊法

凡自縊高懸者徐徐抱住解繩不得截斷上下安被卧  
之以一人用脚踏其兩肩手挽其髮常令弦急勿使  
緩縱一人以手按據胸上數摩動之一人摩捋臂脛

屈伸之若已強直但漸屈之并按其腹如此一時頃  
雖得氣從口出呼吸眼開仍引按不住須臾以少桂  
湯及粥清灌令喉潤漸漸能嚥乃止更令兩人以管  
吹其兩耳此法最好無不活者自旦至暮雖冷亦可  
救自暮至旦陰氣盛為難救爾

附救凍死法

凡四肢直口噤只有微氣者用大釜炒灰煖以囊盛熨  
心上冷即換之目開氣出然後以粥清稍稍進之若

不先溫其心便將火炙則冷氣與火爭必死

孫真人救落水法

醫方大成

急解去死人衣帶艾灸臍中即活

一方治風狗咬

用小兒胎髮炒新香附子野菊花研細酒調服盡醉



仁齋直指卷二十六